

# **PLAN PRIVATIZACIJE I PROGRAM RADA**

## **AGENCIJE ZA PRIVATIZACIJU U FEDERACIJI BOSNE I HERCEGOVINE ZA 2008. GODINU**



**Sarajevo, decembar/prosinac 2007. godine**

## SADRŽAJ:

UVOD.....	3
1. OČEKIVANI USLOVI ZA TRANZICIJU VLASNIŠTVA U 2008. GODINI.....	4
2. PLAN PRIVATIZACIJSKIH AKTIVNOSTI U 2008. GODINI.....	5
3. PREGLED PRIVATIZACIJSKIH AKTIVNOSTI AGENCIJE ZA PRIVATIZACIJU U FEDERACIJI BIH ZA 2008.GODINU.....	9
3.1 PRIVATIZACIJA PREDUZEĆA.....	9
3.1.1. Plan objave tendera ili neposredne pogodbe.....	9
3.1.2. Plan prodaje dionica na berzi/tender.....	11
3.1.3. Plan privatizacije nakon restrukturiranja preduzeća.....	12
3.2. PRIVATIZACIJA BANAKA.....	13
4. STATUS PREDUZEĆA PREDVIĐENIH ZA PRIVATIZACIJU PRODAJOM DRŽAVNOG KAPITALA.....	13
5. PREGLED FIRMI KOJE NISU U PLANU AGENCIJE ZA PRIVATIZACIJU U 2008. GODINI SA MOGUĆIM AKTIVNOSTIMA.....	32
6. MALA PRIVATIZACIJA.....	37
7. PREDUZEĆA SA SPORNOM IMOVINOM/KAPITALOM.....	37
8. PASIVNI POdBILANS.....	38
9. PODRŠKA PROCESU PRIVATIZACIJE.....	39
9.1. Pravni poslovi.....	39
9.2. Obrazovanje i informiranje.....	40
9.3. Informatika.....	41
9.4. Kontrola ugovora.....	42
10. ZAJEDNIČKI POSLOVI.....	43
11. IZVOD IZ PLANA PRIVATIZACIJE I PROGRAMA RADA AGENCIJE ZA PRIVATIZACIJU U FBIH (ENLESKI JEZIK)	

## UVOD

Osnov za planiranje predstavljaju dokumenti „Politika djelovanja i osnovna strategije Vlade Federacije Bosne i Hercegovine za period 2007. – 2010. godine“ koja sadrži separat o privatizaciji, „Politika privatizacije državnog kapitala u Federaciji Bosne i Hercegovine sa programom prioritetnih ulaganja“, koji treba da usvoji Parlament Federacije BiH, te „Operativni plan rada Vlade Federacije BiH za 2008. godinu“ koji takođe, sadrži dio koji se odnosi na planiranje i aktivnosti u privatizaciji u 2008. godini.

Ovakvi ambiciozni planovi obavezuju Vladu Federacije BiH kao i sve druge učesnike u procesu na stalno vođenje procesa i praćenje rezultata kao i na realizaciju niza drugih reformskih mjera, poboljšanje ukupnog ambijenta za investiranje, prilagođavanje zakonske regulative itd.

Sve ovo upućuje na ocjenu da će, u narednom periodu, doći do značajnog ubrzanja procesa privatizacije i znatno boljih efekata u postprivatizacijskom periodu.

U skladu sa prethodno navedenim dokumentima Vlade Federacije BiH determiniran je i definisan Plan privatizacije i program rada Agencije za privatizaciju u Federaciji Bosne i Hercegovine za 2008. godinu.

## 1. OČEKIVANI USLOVI ZA TRANZICIJU VLASNIŠTVA U 2008. GODINI

S obzirom na novi pristup Vlade Federacije BiH i značaj koji pridaje procesu tranzicije vlasništva, ocjena je da će, značajan dio subjektivnih i dio objektivnih razloga koji su do sada, limitirali proces i rezultate procesa, biti otklonjeni ili manje uticajni te da je realno očekivati da će doći do ubrzanja procesa i poboljšanja rezultata u post privatizacijskom periodu.

Tranzicija vlasništva dobila je odgovarajući značaj u dokumentu „Politika djelovanja i strategija Vlade Federacije BiH za period 2007. do 2010. godine“. Dokument pod nazivom „Politika privatizacije državnog kapitala u Federaciji BiH sa programom prioriternih ulaganja“ koji je usvojila Vlada Federacije BiH, i koji je nakon duže rasprave u široj javnosti, prosljeđen Parlamentu Federacije BiH na verifikaciju, definišu politiku privatizacije Vlade, ciljeve privatizacije i privatizacijske aktivnosti, kao i druge veoma važne aspekte privatizacije.

Slijedom prethodnog, Vlada Federacije Bosne i Hercegovine je u „Operativnom planu Vlade Federacije BiH za 2008. godinu“ definirala i privatizacijske aktivnosti koje su poslužile kao osnov za izradu Plana i programa rada Agencije za privatizaciju u Federaciji BiH za 2008. godinu.

Iz „Politike privatizacije državnog kapitala u Federaciji BiH sa programom prioriternih ulaganja“ mogu se izvući osnovne značajke :

- Prvi put, od otpočinjanja procesa privatizacije u Federaciji, Vlada definiše i usvaja politiku za ovu oblast. Time se Vlada deklarira kao aktivni učesnik procesa.
- Kroz javne rasprave o Politici, javnost je, više nego do sada, upoznata o neophodnosti, značaju, očekivanim efektima od privatizacije kao i rasporedu i načinu korištenja novčanih sredstava ostvarenih privatizacijom. Pripremljenost i podrška javnosti je veoma važan uslov za uspješnost procesa.
- Poboljšanje ukupnog ambijenta za privatizaciju i investiranje kroz izmjene i dopune privatizacijskih propisa, drugih propisa koji imaju implikacije na proces privatizacije, kao i druge systemske mjere.
- Selektivan (prilagođen) pristup privatizaciji preduzeća, zavisno od ciljeva koji se žele postići privatizacijom, te karakteristika i stanja preduzeća.
- Značajno proširivanje metoda privatizacije prodajom državnog kapitala na berzi i kombinovanje više metoda radi ostvarivanja zacrtanih ciljeva privatizacije za svako preduzeće posebno.
- Davanje značaja mehanizmima koji, u osnovi, nisu privatizacija postojećeg državnog kapitala ali se reflektuju na preduzeća kod kojih dolazi do promjene strukture vlasništva u korist privatnog (Pretvaranje duga u dionice uključivo i duga prema radnicima, radničko dioničarstvo, dokapitalizacija postojećih preduzeća, formiranje zajedničkih preduzeća).

- Definiranje industrijske politike za važne sektore i preduzeća sa ciljem povećanja interesa domaćih i stranih investitora za kupovinu državnog kapitala ili direktno investiranje u preduzeća.

Sve ovo ukazuje da se Vlada Federacije BiH deklarirala kao aktivni učesnik procesa što bi trebalo biti značajan preduslov za ubrzanje procesa i bolje postprivatizacijske rezultate.

## 2. PLAN PRIVATIZACIJSKIH AKTIVNOSTI U 2008. GODINI

### Obuhvat privatizacijskih aktivnosti

Osnovne aktivnosti Agencije za privatizaciju u Federaciji Bosne i Hercegovine, koje rezultiraju tranzicijom vlasništva preduzeća u Federaciji BiH, kao i druge aktivnosti koje su u funkciji povećanja obima i rezultata tranzicije vlasništva su:

- Prodaja državnog kapitala metodom javnog prikupljanja ponuda (tender) po uslovima velike privatizacije.  
Ovom metodom privatizacije ostvaruje se najviše ciljeva i kojom rezultira tranzicija vlasništva (investicije, zapošljavanje, strateško partnerstvo, konkurentnost i sl.).

S obzirom da je „Politikom privatizacije u Federaciji BiH“, Vlada Federacije Bosne i Hercegovine opredijeljena i za prodaju državnog kapitala preduzeća iz člana 3. Zakona o privatizaciji preduzeća, prodaja državnog kapitala ovom metodom dobija na značaju.

- Prodaja državnog kapitala metodom neposredne pogodbe, u nekim slučajevima (npr. kada su definirani uslovi i očekivanja od privatizacije), ima značajne prednosti pred metodom javnog prikupljanja ponuda.  
Sadašnja zakonska rješenja omogućavaju prodaju ovom metodom tek nakon što je prodaja javnim prikupljanjem ponuda (tender) bila neuspješna.  
Pokrenute izmjene zakonske regulative trebaju ovo ograničenje otkloniti.
- Prodaja državnog kapitala prodajom dionica putem berze je metod koji je u Federaciji BiH omogućen donošenjem Zakona o izmjenama i dopunama Zakona o privatizaciji preduzeća u 2006. godini. To zakonsko rješenje omogućava prodaju dionica putem berze za preduzeća sa manjinskim državnim kapitalom, kao i prodaju kod preduzeća sa većinskim državnim kapitalom ali do 51% (zadržavanje većinskog paketa državnih dionica zbog prodaje strateškom partneru).

Dosadašnja iskustva ukazuju na brojne prednosti ove metode prodaje.

„Politika privatizacije u Federaciji BiH“ ovom metodu prodaje državnog kapitala daje odgovarajući značaj i predviđa prodaju ovom metodom manjinskog državnog kapitala kao i prodaju dijela državnog kapitala ovom metodom u kombinaciji sa drugim metodama prodaje.

Takođe „Politika privatizacije u Federaciji BiH“ predviđa i prodaju većinskog paketa državnog kapitala prodajom dionica na berzi.

Za ovakve prodaje bit će neophodno izvršiti izmjene postojećih zakonskih rješenja.

Ocjena opravdanosti ovakve prodaje državnog kapitala za svaki slučaj (preduzeće), mora biti razmotrena sa dužnom pažnjom.

- Podjela preduzeća na tehnoeekonomske cjeline u svrhu privatizacije i prodaja kapitala tehnoekonomske cjeline je u nekim slučajevima uslov za uspješnu potpunu ili parcijalnu privatizaciju preduzeća.

„Politika privatizacije u Federaciji BiH“ ovaj metod prodaje planira kod nekoliko, za Federaciju BiH, značajnih komercijalnih preduzeća.

Stoga će plan APF-a za 2008. godinu sadržavati aktivnosti na uključivanju pri izradi planova restrukturiranja i prodaje tehnoekonomske cjeline, u znatnom obimu.

S obzirom na brojne procedure i specifičnosti kod izrade planova podjele i multipliciranje aktivnosti na pripremi i prodaji tehnoekonomske cjeline, ne može se predvidjeti stepen realizacije privatizacije po ovom postupku.

- Javna ponuda dionica za gotov novac je novi metod prodaje koji nije zakonski utemeljen niti je do sada, primjenjivan u Federaciji BiH, a koji Vlada Federacije BiH predviđa kao mogućnost za parcijalne privatizacije u posebnim slučajevima i uvijek u kombinaciji sa drugim metodama prodaje.

Ovim transparentnim metodom omogućava se da građani Federacije BiH učestvuju u privatizaciji uspješnih preduzeća.

Metod predviđa prodaju ograničenog broja državnih dionica profitabilnih preduzeća građanima Bosne i Hercegovine sa pravom prvenstva i pod dogovorenim (povoljnijim) uslovima.

Ovakva prodaja u Planu APF-a za 2008. godinu neće biti uključena nego će eventualno biti predviđena kroz zakonska i podzakonska akta koja će se donijeti kod privatizacije nekih sektora i preduzeća.

Za ovaj metod privatizacije bit će potrebna izmjena i dopuna postojećih privatizacijskih propisa.

- Postupak prodaje imovine, udjela i kapitala preduzeća po uslovima male privatizacije bit će intenziviran u 2008. godini.

Ove privatizacijske aktivnosti nije moguće planirati i kvantificirati ali je sigurno da će u 2008. godini biti intenzivirane u kombinaciji sa privatizacijom preduzeća koja se dijele na tehnoeekonomske cjeline, te kod prodaje značajne

imovine koja nije uslov za obavljanje privrednih aktivnosti tehnoekonomskih cjelina.

- Kombinovanje dvije ili više metoda prodaje mogu obezbijediti više očekivanih rezultata od privatizacije (strateško partnerstvo za firmu, veći prihod za državu, dioničarstvo građana i uposlenika i sl.), „Politika privatizacije u Federaciji BiH“ predviđa ovakav način prodaje kod najznačajnijih preduzeća u Federaciji BiH.
- Mogućnost koju predviđa „Politika privatizacije u Federaciji BiH“ je i mehanizam radničkog dioničarstva. Uvođenjem u praksu radničkog dioničarstva bile bi ostvarene brojne prednosti (efekti) i BiH bi se približila praksi zemalja EU.

Za uvođenje radničkog dioničarstva u privatizacijsku praksu potrebno je ostvariti zakonske pretpostavke.

- Vlada Federacije BiH daje odgovarajući značaj direktnim investicijama, posebno direktnim stranim investicijama prema procedurama koje propisuje Zakon o privrednim društvima.

Direktne investicije bilo domaćeg ili stranog investitora nisu privatizacijske aktivnosti (tranzicija državnog vlasništva u privatno) ali rezultiraju formiranjem preduzeća sa mješovitim vlasništvom, uglavnom sa dominacijom privatnog vlasništva.

Direktne investicije, po Zakonu o preduzećima, mogu se realizirati kroz ulaganje u postojeće preduzeće ili kroz zajedničko ulaganje i formiranje novog zajedničkog preduzeća (JVC).

Nekoliko veoma uspješnih primjera direktnih stranih investicija i formiranje zajednički preduzeće (Natron– Hayat, Global Ispat Koksna Industrija - Lukavac, Mitall Steel - Zenica, Sisecam soda - Lukavac), ukazuju na opravdanost ovog postupka.

Prema Zakonu o izmjenama i dopunama Zakona o privatizaciji preduzeća direktne investicije kroz formiranje zajedničkog preduzeća, kod preduzeća sa većinskim državnim vlasništvom, prelazi u nadležnost agencija za privatizaciju.

Dokapitalizacija kroz ulaganje u postojeća preduzeća nije regulisana privatizacijskim propisima i, za sada, nije u nadležnosti agencija za privatizaciju.

- Prioritet u planiranju, u preduzećima sa spornom i dvojno iskazanom imovinom/kapitalom, je uključivanje resornih ministarstava u cilju definisanja, odnosno, pozicioniranja sporne imovine od čega će zavisiti nastavak i dinamika aktivnosti Agencije, na postizanju sporazuma i utvrđivanje vlasničke strukture

preostalih preduzeća sa liste „spornih preduzeća“, te objava javnih poziva i prodaja državnog kapitala kod preduzeća kod kojih je rješena vlasnička struktura kapitala (TKA Cazin).

- Aktivnosti na definiranju i upravljanju pravima, stvarima i obavezama iz pasivnog podbilansa. Zbog značaja i specifičnosti ove aktivnosti neophodno je uspostavljanje brojnih sistemskih preduslova i prije svega definiranje nadležnosti.
- Učešće Agencije za privatizaciju u Federaciji BiH sa nosiocima aktivnosti iz Vlade Federacije BiH na izmjenama i dopunama zakonske regulative iz oblasti privatizacije, definiranju industrijske politike, politike privatizacije sektora i preduzeća kao i drugim oblastima koje imaju uticaj na tranziciju vlasništva.
- Koordiniranje sa spoljnim konsultantima na pripremi specifičnih preduzeća za proces privatizacije (komunalna preduzeća, PS „Vitezit“, „Hepok“ i sl.), kao i izradi elaborata, ekspertiza i sl.
- Kontrola izvršavanja obaveza po kupoprodajnim ugovorima je važna aktivnost Agencije za privatizaciju u Federaciji BiH, od koje zavise konačni efekti privatizacije i njome se obezbjeđuje potpuni legalitet i legitimitet kao i transparentnost procesa privatizacije.
- Uključivanje svih organa i službi u postupku zasupanja pred sudovima, neophodno je zbog visine vrijednosti sudskih sporova i njihovog velikog broja.
- Koordiniranje, praćenje i obrada rezultata rada svih agencija za privatizaciju u Federaciji BiH je kontinuirana i važna aktivnost Agencije za privatizaciju u Federaciji BiH. Saradnja sa kantonalnim agencijama za privatizaciju treba biti unaprijeđena.

U daljnjem dijelu ovog dokumenta daju se detaljnije planirane ili opisane neke od navedenih aktivnosti Agencije za privatizaciju u Federaciji BiH.

### 3. PREGLED PRIVATIZACIJSKIH AKTIVNOSTI ZA 2008. GODINU

#### 3.1. PRIVATIZACIJA PREDUZEĆA

##### 3.1.1 Plan objave tendera ili neposredne pogodbe

<i>R.b.</i>	<i>Preduzeće</i>	<i>Ukupan kapital</i>	<i>Državni kapital (%)</i>	<i>Privatizacijske aktivnosti</i>	<i>Napomena</i>
1.	„Aluminij“ d.d. Mostar	170.786.051	75.145.862 (44,00)	Proces otpočeo 2007. godine i predstoje aktivnosti: Izrada izvještaja komisije Vlade FBiH; Odluka Vlade FBiH o odabiru najpovoljnije ponude; Zaključivanje ugovora o kupoprodaji	Zbog pokretanja sudskog postupka jednog od ponuđača moguća je obustava postupka
2.	„BH Telecom“ d.d. Sarajevo	634.604.203	571.143.783 (90,00)	Izrada uredbe kojom se reguliše privatizacija telekom operatera u FBiH; Izrada dinamike privatizacije; Izbor spoljnog konsultanta za tehničku pomoć u pripremi i prodaji; Izrada korigovanog PP i PBS; Prodaja državnog kapitala u skladu sa Uredbom (kombinacija više metoda)	Realizacija plana prodaje kapitala zavisi od pravovremenih aktivnosti u nadležnosti Vlade FBiH, stvaranja zakonskih uslova o prodaji dijela kapitala putem javne ponude dionica za gotov novac i prodaja putem berze, što podrazumijeva donošenje adekvatnih odluka.
3.	„Hrvatske komunikacije“ d.d. Mostar	307.668.239	154.151.018 (50,103)		
4.	„Fabrika duhana Mostar“ d.d. Mostar“	10.375.846	6.951.817 (67,00)	Proces otpočeo 2007. godine i predstoje aktivnosti: Objava javnog poziva za prodaju putem neposredne pogodbe; Zaključivanje ugovora o kupoprodaji	Ukoliko dođe do promjene postojećih zakonskih rješenja u natjecanju za kupovinu mogla bi učestvovati i FDS
5.	„Hepok“ d.d. Mostar	18.796.074	12.593.370 (67,00)	Davanje saglasnosti Vlade FBiH za prodaju kapitala preduzeća u cjelini; Izbor konsultanta za izradu PP i PBS preduzeća; Objava tendera; Zaključivanje ugovora o kupoprodaji	Ukoliko Vlada FBiH ne da saglasnost prodaja državnog kapitala izvršit će se prodajom kapitala tehnoeekonomskih cjelina

6.	<b>JP Vitezit, Vitez</b>			Revizija finansijskog izvještaja PS Vitezit i firmi kćerki (finansira APF); Izrada PP i PBS PS Vitezit i firmi kćerki; Eventualna prodaja udjela i kapitala	Nedostatak finansijskog izvještaja preduzeća i „kćerki“, preuzimanje nekretnina po sudskim sporovima, dovode u pitanje mogućnost privatizacije. PS Vitezit ima udjele u zajedničkim firmama: - VITEZIT-CROMEN d.o.o. Vitez - ENERGOCENTAR d.o.o. Vitez - VITOPLAST d.o.o. Vitez - CROATIA VITEZ d.o.o. Vitez - DUGA d.o.o. Vitez - VITEZ TISAK d.o.o. Vitez - VITEZ-KARTON d.o.o. Vitez - PLINOVIT d.o.o. Vitez - ECO-VITEZIT d.o.o. Vitez - BAZEN d.o.o. Vitez - ECOPLAST d.o.o. Vitez - STROJOTERM d.o.o. Vitez
7.	<b>“Tvornica kartona i ambalaže” d.o.o. Cazin</b>	4.904.878	4.904.878	Prodaja ostatka imovine do augusta 2008.godine; Pokretanje postupka likvidacije – septembar 2008. godine	

**Napomena:**

Zakonska mogućnost prodaje određene količine dionica atraktivnih preduzeća na berzi (BH Telecom Sarajevo, Elektroprivreda BiH Sarajevo, Elektroprivreda HZHB Mostar...) postoji.

Procenat treba da bude određen tako da ne dovodi u pitanje koncept privatizacije i osnovne ciljeve definirane kroz Politiku privatizacije. Odluku o prodaji državnih dionica putem berze donosi Vlada FBiH. Stoga će APF u prvom kvartalu pokrenuti potrebne inicijative radi donošenja odluka Vlade FBiH.

Javna ponuda dionica za gotov novac je uslovljena usvajanjem “Politike privatizacije u FBiH”, promjenom privatizacijskih propisa, i donošenjem niza podzakonskih akata. Ocjena je da ovaj proces ne mora voditi APF.

### 3.1.2. Plan prodaje dionica na berzi/tender

R.b.	Preduzeće	Ukupan kapital	Državni kapital (%)	Privatizacijske aktivnosti	Napomena
1.	„Sarajevo – osiguranje“ d.d. Sarajevo	45.940.602	20.896.618 (45,49)	Donošenje odluke Vlade FBiH o odobrenju prodaje državnog kapitala putem berze; Usvajanje Plana prodaje dionica društva na berzi od strane UO APF-a; Izbor profesionalnog posrednika; Izdavanje prodajnih naloga jednokratno / višekratno i prodaja	Početak privatizacijskih aktivnosti uslovljena je okončanjem postupka dokapitalizacije
2.	„Energopetrol“ d.d. Sarajevo	68.661.525	15.188.891 (22,12)	Donošenje odluke Vlade FBiH o odobrenju prodaje putem berze; Usvajanje Plana prodaje dionica društva na berzi od strane UO APF-a; Izbor profesionalnog posrednika; Izdavanje prodajnog naloga jednokratno / višekratno i prodaja	
3.	„UNIS-udružena metalna industrija“ d.d. Sarajevo	48.377.383	32.413.734 (67,00)	APF je pokrenula aktivnost donošenja Odluke Vlade FBiH o prodaji 16,00 % dionica preduzeća putem berze; Procedure koje predstoje nakon donošenja Odluke: Usvajanje Plana prodaje dionica društva na berzi od strane UO APF; Izbor profesionalnog posrednika; Izdavanje prodajnog naloga jednokratno/višekratno i prodaja	Prodaja preostalih 51% državnog kapitala putem berze bit će moguća nakon promjene zakonskih rješenja
4.	„Šipad export-import“ d.d. Sarajevo	12.622.256	8.456.912 (67,00)	Vlada FBiH donijela Odluku o prodaji 16,0018 % kapitala preduzeća putem berze. Takođe, UO APF-a usvojio Plan prodaje. Preostale aktivnosti su: Izbor profesionalnog posrednika; Izdavanje prodajnog naloga jednokratno/ višekratno i prodaja. U drugoj fazi prodaja 51 % državnog kapitala treba biti realiziranja tenderom. Za pripremu prodaje bit će angažiran spoljni konsultant.	Zbog aktualnog ekonomsko-finansijskog stanja preduzeća moguća su i druga rješenja za prodaju preostalih 51% državnog kapitala

### 3.1.3. Plan privatizacije nakon restrukturiranja preduzeća

<i>R.b.</i>	<i>Preduzeće</i>	<i>Ukupan kapital</i>	<i>Državni kapital (%)</i>	<i>Privatizacijske aktivnosti</i>	<i>Napomena</i>
1..	<b>IP „Krivaja“ d.o.o. Zavidovići</b>	108.545.043	108.545.043 (100,00)	Na osnovu usvojenog plana podjele i PP i PBS za 8 tehnoloških cjelina u 2007. godini objavljen javni poziv za prikupljanje ponuda.	S obzirom da je pokrenut postupak stečaja koji je trenutno odgođen do 17. januara 2008. godine moguća su i druga rješenja.
2.	<b>„KTK“ d.d.Visoko</b>	103.924.279	69.629.267 (67,00)	Provođenje postupka pripreme i podjele preduzeća na tehnoekonomske cjeline u svrhu privatizacije; Izrada i usvajanje PP i PBS preduzeća i cjelina; Objava javnih poziva za prodaju pripremljenih tehnoekonomske cjelina; Zaključivanje ugovora o kupoprodaji tehnoekonomske cjelina; Obnova postupka objave i prodaje za cjeline kod kojih prodaja nije uspjela u prvom krugu	Komisija koju je imenovao Nadzorni odbor preduzeća izradila je Prijedlog Plana podjele preduzeća na tehnoekonomske cjeline, ali APF je isti vratila na korekcije zbog uočenih nedostataka.
3.	<b>„Željezara Zenica“ d.o.o. Zenica</b>	103.114.199	103.114.199 (100,00)	Provođenje postupka pripreme i podjele preduzeća na tehnoekonomske cjeline u svrhu privatizacije; Izrada i usvajanje PP i PBS preduzeća i cjelina; Objava javnih poziva za prodaju pripremljenih tehnoekonomske cjelina; Zaključivanje ugovora o kupoprodaji tehnoekonomske cjelina; Obnova postupka objave i prodaje za cjeline kod kojih prodaja nije uspjela u prvom krugu	Komisija koju je imenovao Nadzorni odbor preduzeća izradila je Prijedlog plana podjele preduzeća na tehnoekonomske cjeline, ali APF je isti vratila na korekcije zbog uočenih nedostataka.

### 3.2. PRIVATIZACIJA BANAKA

U postupku privatizacije potrebno je izvršiti privatizaciju državnog kapitala u bankama: „UNION BANKA“ d.d. Sarajevo i „BOR BANKA“ d.d. Sarajevo. Dosadašnje aktivnosti u postupku privatizacije provodila je Jedinica za privatizaciju banaka u FBiH. Nakon prestanka rada ove jedinice, poslovi na daljoj privatizaciji banaka prenešeni su na Federalno ministarstvo finansija.

<b>Banka</b>	<b>Ukupan kapital</b>	<b>Državni kapital (%)</b>	<b>Privatizacijske aktivnosti</b>
<b>UNION BANKA d.d. Sarajevo</b>	34.098.420	31.178.960 (91,44)	Nosilac aktivnosti Federalno ministarstvo finansija
<b>BOR BANKA d.d. Sarajevo</b>	26.514.600	7.693.600 (29,02)	Nosilac aktivnosti Federalno ministarstvo finansija

### 4. STATUS PREDUZEĆA PREDVIĐENIH ZA PRIVATIZACIJU PRODAJOM DRŽAVNOG KAPITALA

#### „Aluminij“ d.d Mostar

Odlukom o izmjenama i dopunama odluke o objedinjenoj listi preduzeća iz nadležnosti APF-a iz ( „Sužbene novine FBiH“ broj 41/05) preduzeće Aluminij d.d Mostar u postupku privatizacije je prešlo u nadležnost ove Agencije.

Na osnovu člana 4. stav 4. Zakona o privatizaciji preduzeća i Polaznih osnova za Sporazum o rješavanju otvorenih pitanja između Vlade FBiH i Aluminij d.d. Mostar koje je usvojio Parlament Federacije BiH (Zaključak Predstavničkog doma Parlamenta Federacije BiH broj: 01-02-509/05 od 21.07.2005. godine i Zaključak Doma naroda Parlamenta Federacije BiH broj: 02-02-539/05 od 25.07.2005. godine), Vlada Federacije Bosne i Hercegovine i Aluminij d.d. Mostar su 08.11.2006. godine potpisali Sporazum o rješavanju međusobnih otvorenih pitanja.

Preduzeće je dostavilo Program privatizacije i Početni bilans na dan 31.12.2005. godine sa strukturom kapitala definisanom u navedenom Sporazumu:

<i>Državni kapital</i>	44%	75.145.862,00 KM
<i>Nenomirani kapital opredijeljen za obeštećenje i uvezivanje radnog staža djelatnika/zaposlenika</i>	44%	75.145.862,00 KM
<i>Strani kapital</i>	12%	20.494.327,00 KM
<i>Ukupni kapital</i>	100%	170.786.051,00 KM

Prodaja državnog kapitala u iznosu od 75.145.862,00 KM ili 44% ukupnog kapitala preduzeća Aluminij d.d. Mostar vršit će se u skladu sa Sporazumom o rješavanju otvorenih pitanja između Vlade Federacije BiH i Aluminija d.d. Mostar od 08.11.2006. godine.

Prodaja državnog i nenominiranog kapitala preduzeća Aluminij d.d. Mostar nominalne vrijednosti 150.291.724,00 ili 88% ukupnog kapitala, vršit će se istovremeno i pod jednakim uslovima u skladu sa Sporazumom o rješavanju otvorenih pitanja između Vlade Federacije BiH i Aluminija d.d. Mostar. Formirana je Komisija za prodaju 88% ukupnog kapitala.

Agencija za privatizaciju u Federaciji Bosne i Hercegovine i Aluminij d.d. Mostar su zajedno, 05.03.2007. godine objavili *Javni poziv kompanijama s međunarodnim referencama u proizvodnji i preradi aluminija za dostavljanje ponuda za kupovinu 88% kapitala Aluminija.*

U prvoj fazi, od kompanija je zatraženo da do 23.04.2007. godine do 16 sati dostave svoje neobavezujuće ponude za kupnju 88% kapitala Aluminija, u skladu sa sekcijom 7.1. Pravila tendera i Procesnom pismu poslanom 04.04.2007. godine.

Tenderska komisija je na sastanku održanom 18. maja, u skladu s Pravilima javnog tendera, odabrala sljedeće četiri kompanije za sudjelovanje u fazi dubinskog snimanja i dostavljanja obavezujućih ponuda za 88% kapitala Aluminija d.d., Mostar (po abecednom redu):

- En+ Group LTD
- Glencore International AG
- Mytilineos Holding SA
- Vedanta Resources PLC

U drugoj fazi procesa, od kompanija pozvanih na obavljanje dubinskog snimanja je zatraženo da do 24. septembra 2007. godine do 16 sati dostave svoje obavezujuće ponude za kupnju 88% kapitala Aluminija, u skladu sa Pravilima tendera.

Obavezujuće ponude su uputili:

- Konzorcij "Glencore International AG", "FEAL d.o.o." & "Dalekovod d.d.",
- "En+ Group ltd.", i
- "Mytilineos Holdings SA".

Uz gore navedene ponude, Tenderska komisija je zaprimila i ponudu konzorcija HAB UKIO Banko Investicione Grupe i Aluminium Konin-Impeksmetal SA koja nije razmatrana budući da njihova neobavezujuća ponuda nije zadovoljila uvjete za drugi krug, odnosno za podnošenje obavezujuće ponude.

Tenderska komisija izvršila je vrednovanje obavezujućih ponuda zaprimljenih u skladu s Pravilima tendera i dostavila Vladi Federacije BiH izvještaj o tome.

Vlada Federacije BiH je donijela Odluku o odabiru uspješnog ponuđača V broj 965/07 od 13. decembra 2007. godine( „SL. novine FBiH“ broj 96/07)

Vlada FBiH je zadužila Komisiju da u pregovorima u vezi s cijenom i uslovima isporuke električne energije zastupa pozicije definisane u izjašnjenju Federalnog

ministarstva energije , rudarstva i industrije te pozicije iz mišljenja regulatorne komisije za električnu energiju Federaciji BiH. Vlada je također zadužila Komisiju da u pregovorima u vezi odlagališta „crvenog mulja“ pored Dobrog sela zastupa pozicije definisane u mišljenju Federalnog ministarstva okoliša i turizma. Na osnovu navedene odluke komisija je započela pregovore sa prvorangiranim ponuđačem Konzorcijem oko električne energije i ekologije dana 22. i 23. januar 2008. godine.

Dogovoreno je da predstavnici Konzorcija obave dodatno ekološko dubinsko snimanje, koje je izvršeno od 05. do 07.02. 2008. godine.

Vlada Federacije Bosne i Hercegovine je na svojoj 45.sjednici održanoj 6. februara 2008. godine donijela Odluku o davanju saglasnosti na Aneks broj 3. na Sporazum o rješavanju otvorenih pitanja između Vlade Federacije Bosne i Hercegovine i Aluminijska d.d. Mostar. Ovim aneksom produžen je rok za završetak obaveza, te se iste trebaju realizirati do 08.05.2008. godine.

Komisija za pripremu i prodaju 88% kapitala Aluminijska dd Mostar održala je sastanak 04.03.2008. godine i donijela zaključak da se Vladi FBiH dostavi informacija sa stavovima Konzorcija po pitanju električne energije i ekologije na nadležno postupanje.

#### **„BH Telecom“ d.d Sarajevo**

Rješenjem broj 01-03-3256/2001 od 20.07.2001.godine preduzeću JP PTT Saobraćaja BiH Sarajevo odobren je Početni bilans i Program privatizacije sa stanjem na dan 31.12.2000. godine. Na osnovu Odluke Vlada Federacije BiH o transformaciji Javnog preduzeća PTT Saobraćaja BiH Sarajevo i HPT d.o.o Mostar, preduzeće PTT Saobraćaja BiH Sarajevo je transformisano na dva pravna subjekta BH Telecom Sarajevo i BH Pošte Sarajevo.

Rješenjem APF-a odobren je Program privatizacije i Početni bilans stanja BH Telecoma na dan 31.12.2001. godine i odobren kapital u iznosu 634.604.203,00 KM .

Na osnovu ovog rješenja putem javne ponude dionica privatizovano je 10% ili 63.460.420,00 KM, a putem tendera će se privatizovati 67% ili 425.184.816,00 KM, dok u državnom vlasništvu ostaje 23% ili 145.958.967,00 KM.

Struktura kapitala nakon provedene javne ponude dionica je slijedeća:

-Državni kapital	571.143.783,00 KM
- <u>Privatni kapital</u>	<u>63.460.420,00 KM</u>
<b>Ukupno</b>	<b>634.604.203,00 KM</b>

Privatizacija telecom operatora u Federaciji BiH će se provoditi u skladu sa dokumentom Vlade FBiH – „Politika privatizacije u Federaciji BiH“.

U cilju pripreme za privatizaciju telekom operatora Federacije BiH urađena je „Politika privatizacije sektora telekomunikacija u Federaciji BiH“ koju je Vlada FBiH razmatrala na 162. sjednici održanoj 27.07.2006. godine i istu usvojila.

### **„HT“ d.o.o Mostar**

Agencija za privatizaciju u FBiH, radi prodaje dijela državnog kapitala metodom javne ponude dionica, izdala je Privremeno rješenje o odobravanju Programa privatizacije i Početnog bilansa stanja Hrvatskih pošta i telekomunikacija sa stanjem na dan 31.12.2001. godine. Uvjet za donošenje konačnog rješenja o odobravanju programa privatizacije i početnog bilansa je da preduzeće vrati udjele u Eronet-u d.o.o Mostar i Hercegovačkoj banci d.d Mostar u poslovne knjige i iste iskaže u početnom bilansu stanja.

Po odluci Županijskog suda u Mostaru udio u Eronet Pokretne telekomunikacije d.o.o. i Hercegovačkoj banci vraćen je HT-u Mostar. U cilju realizacije obaveza prema GSM licenci dobivenoj od RAK-BiH, Nadzorni odbor HT d.o.o. Mostar je donio odluku o Programu pripajanja HT Mobilne HT-u Mostar u skladu s kojim je Vlada Federacije BiH, 26.10.2006. godine potpisala Sporazum sa Hrvatskim Telekomom. Ovim sporazumom, polazeći od procjena Deloitte, utvrđena je struktura kapitala kako slijedi: Vlada Federacije BiH 50,103%, dionički kapital po javnom upisu dionica 5,567%, HT Zagreb 39,10% i HP Zagreb 5,23%.

Agencija za privatizaciju u FBiH odobrila je Program privatizacije i Početni bilans stanja JP „Hrvatske telekomunikacije“ d.o.o. Mostar na dan 31.12.2006. godine, te izdala Rješenje o odobravanju upisa izvršene privatizacije u sudski registar broj: 03-19-3457/07 od 04.09.2007. godine. Protiv navedenog rješenja, preduzeće je uložilo žalbu koju je Agencija zajedno sa spisima, koji se odnose na predmet, dostavila Federalnom ministarstvu prometa i komunikacija radi rješavanja.

### **„Fabrika duhana Mostar“ d.d. Mostar**

Na osnovu Odluke o izmjenama i dopunama Odluke o objedinjenoj listi preduzeća iz nadležnosti Agencije za privatizaciju u Federaciji BiH, Fabrika duhana Mostar je u postupku privatizacije prešla u nadležnost ove Agencije i preuzeta je od Agencije za privatizaciju Hercegovačko-neretvanskog kantona u februaru 2005. godine.

Rješenjem Agencije za privatizaciju Hercegovačko-neretvanskog kantona o odobravanju Programa privatizacije i Početnog bilansa iz 2001. godine utvrđen je državni kapital preduzeća u iznosu od 17.625.577,00 KM (79,6186% ukupnog kapitala), sa stanjem na dan 30.06.2000. godine. Istim rješenjem odobrena je prodaja državnog kapitala kombinovanim metodom i to: 67% kapitala metodom tendera, a 12,6186% kapitala metodom javne ponude dionica, koja je i okončana.

Skupština društva Fabrike duhana Mostar d.d. je donijela Odluku o smanjenju vrijednosti osnovnog kapitala radi pokrića gubitka za 2000., 2001., 2002. godinu. Komisija za vrijednosne papire u FBiH izdala je Rješenje o odobravanju smanjenja osnovnog kapitala tako da osnovni kapital nakon smanjenja iznosi 19.038.250,00 KM.

Agencija za privatizaciju u FBiH je odobrila korigovani Početnog bilansa i Programa privatizacije na dan 31.12.2004. godine:

*Državni kapital* 2.755.628 KM ili 67,00 %

*Privatni kapital* 6.282.622 KM ili 33,00 %  
*Ukupno* 19.038.250 KM ili 100,00%

Vlada Federacije utvrdila je metod prodaje - neposredna pogodba. Po javnom pozivu za prodaju 67% kapitala Fabrike duhana Mostar metodom neposredne pogodbe, objavljenog 31.05.2005. godine.

Na javni poziv su se javila dva ponuđača: S&A l.t.d. London UK i „Kocka promet“ d.o.o. Mostar. Ponuđač S&A l.t.d. London UK ponudio je: Cijena 4.000.000,00 KM, Investicije 20.000.000,00 KM (I g.20 mil. KM.) i Zapošljavanje 174 radnika (zadržavanje 149) i prijem 25 novih, u I godini. Poslovni plan ovog ponuđača ocijenjen je kao slab, jer ne daju tražene informacije o namjerama Ponuđača u vezi s poslovanjem i razvojem FDM-a.

Kako kredibilitet ovog ponuđača nije potkrijepljen zvaničnim dokumentima, ocijenjen je kao slab. Ponuđač „Kocka promet“ d.o.o. Mostar ponudio je: Cijena 3.900.000,00 KM, Investicije 17.000.000,00 KM (I g. 15 mil KM, II g. 2 mil KM KM) i Zapošljavanje 174 radnika (zadržavanje 149) i prijem 25 novih, u periodu od tri godine. Poslovni plan ovog ponuđača dao je tražene informacije o namjerama Ponuđača u vezi s poslovanjem i razvojem FDM-a, ali nije pružio dovoljno argumenata da će ponudeni pristup osigurati očekivani razvoj privatiziranom preduzeću, te je ocijenjen kao prosječan. Mada je poslovni ugled osnivača „Kocka promet“ d.o.o. Mostar potkrijepljen pismima poslovnih banaka i firme Ataco, iz razloga što se radi o novoformiranoj firmi čiji je jedini vlasnik fizičko lice, kredibilitet ovog ponuđača je ocijenjen je kao slab.

Agencija nije raspolagala sa pouzdanim pokazateljima koji bi garantirali dalji razvoj kompanije, te je 16.08.2005. godine, u skladu sa javno objavljenim pravilima neposredne pogodbe, otkazala prodaju državnog kapitala ovog preduzeća.

Aktivnosti oko ponovne objave javnog poziva za prodaju državnog kapitala u ovom preduzeću nisu realizirane zbog aktivnosti Vlade Federacije Bosne i Hercegovine na dokapitalizaciji od strane „Fabrike duhana Sarajevo“ d.d. Sarajevo.

Ove aktivnosti Vlade Federacije BiH vode se više od dvije godine bez realnog pomaka.

S obzirom na pogoršanje ekonomsko - finansijskog stanja preduzeća, početkom novembra održan je širi sastanak ministarstva, APF-a, NO i menadžmenta preduzeća sa ciljem poduzimanja hitnih mjera u cilju privatizacije. Resorno ministarstvo je uradilo širu informaciju o aktuelnom stanju u preduzeću koju je razmatrala Vlada Federacije BiH na sjednici održanoj 14.11.2007. godine i donijela zaključak da podržava provođenje postupka privatizacije.

Skupština društva je na osnovu izvještaja neovisnih revizora donosila odluke o smanjenju osnovnog kapitala radi pokrića gubitka u poslovanju društva za 2003. g. 2004. g. i 2005. godinu.

Komisija za vrijednosne papire je izdala rješenja o odobravanju smanjenja osnovnog kapitala emitenta.

Upravni odbor APF-a, na sjednici od 28.11.2007. godine odobrio je Korigovani program privatizacije i početni bilans FDM-a sa slijedećom visinom i strukturom kapitala na dan 30.06.2007. godine:

<i>Državni kapital</i>	6.951.817,00 KM	ili 67,00 %
<i>Privatni kapital</i>	3.424.029,00 KM	ili 33,00 %
<i>Ukupno</i>	10.375.846,00 KM	ili 100,00%

Javni poziv za prodaju državnog kapitala u FDM metodom neposredne pogodbe objavljen je 27.12.2007. godine.

### **„Hepok“ d.d Mostar**

Rješenjem o odobravanju Početnog bilansa i Programa privatizacije preduzeća „Hepok“ d.d utvrđen je iznos i struktura kapitala iskazanog u Aktivnom podbilansu na dan 31.12.1999. godine, kako slijedi:

<i>Državni kapital</i>	15.051.709,00 KM	80,079 %
<i>Privatni kapital</i>	3.744.365,00 KM	19,921 %
<i>Ukupno:</i>	18.796.074,00 KM	100,000 %

Za prodaju državnog kapitala određen je kombinovani metod i to:

67,000 % ukupnog kapitala ili 12.593.370,00 KM tenderom

13,079 % ukupnog kapitala ili 2.458.339,00 KM javnom ponudom dionica.

Ukupno: 15.051.709,00 KM

U Prvom javnom pozivu za upis dionica u Federaciji Bosne i Hercegovine, okončanom 26.2.2001.godine izvršena je prodaja dijela državnog kapitala Hepok-a u iznosu od 2.458.339,00 KM, što čini 13,079 % ukupnog kapitala preduzeća, te je sada struktura kapitala: 33,00 % privatni kapital, 67,00 % državni kapital. Izdato je Rješenje o odobravanju upisa izvršene privatizacije u sudski registar.

Kako se preduzeće nalazilo na „Listi 56“ strateških firmi, u pripremi privatizacije je učestvovao GTZ, koji je angažovao međunarodne eksperte (International Conultancz in Agiculture & Agroindustries, Kronberg/Taubavi, Gosp. Peter L.P. Munzinger), tim povodom je sačinjen izvještaj sa preporukama, sa kojim je upoznat Upravni odbor APF-a, te je objavljen predkvalifikacioni tender (nije bilo interesa) i odobrena prodaja imovine.

Kompanija se nalazi u teškoj, gotovo bezizlaznoj situaciji. Nizak je nivo aktivnosti, radnici ne primaju plate, Poreska uprava je izdala nalog za prinudnu naplatu poreza. Potrebno je učiniti dodatne napore (koordinirane od strane Federalnog ministarstva poljoprivrede, vodoprivrede i šumarstva) za prevazilaženje ovakve situacije.

U datim uslovima, budući da nije pronađen investitor koji bi pokrenuo kompaniju, predstoji pokušaj restrukturiranja firme ili stečaj.

Donošenjem i stupanjem na snagu Zakona o izmjenama i dopunama Zakona o privatizaciji preduzeća („Sl. novine FBiH“, br. 42/06) i Uredbe o postupku pripreme i podjele preduzeća na tehnoekonomske cjeline u svrhu privatizacije („Sl. novine FBiH“, br. 73/06), stvorene su pretpostavke za podjelu ovog preduzeća na tehnoekonomske cjeline u svrhu privatizacije. S tim u vezi provedene su sljedeće privatizacijske aktivnosti:

- Nadzorni odbor preduzeća, na osnovu inicijative uprave preduzeća, donio je Odluku o pokretanju postupka podjele preduzeća, kojom su definisane 3 (tri) tehnoekonomske cjeline.
- Komisija, koju je imenovao Nadzorni odbor preduzeća, izradila je Prijedlog plana podjele preduzeća na tehnoekonomske cjeline.
- Nadzorni odbor preduzeća donio je Odluku o utvrđivanju Prijedloga plana podjele preduzeća na tehnoekonomske cjeline, i ista je zajedno sa Prijedlogom plana podjele preduzeća dostavljena APF-u na dalje postupanje.
- Prijedlog plana podjele preduzeća, APF je dostavila Federalnom ministarstvu poljoprivrede, vodoprivrede i šumarstva kako bi isti bio upućen Vladi Federacije BiH radi davanja saglasnosti i donošenja odluke o utvrđivanju metoda privatizacije.

U toku provođenja aktivnosti na podjeli preduzeća na tehnoekonomske cjeline i pripreme za prodaju kapitala u tehnoekonomske cjelinama, potencijalni kupci iskazali su interes za učešće u privatizaciji ovog privrednog društva u cjelini. Shodno tome došlo se do relevantnih saznanja koja upućuju na opravdanost prodaje preduzeća u cjelini, i to iz sljedećih razloga:

- Većina potencijalnih kupaca iskazala je interes za kupovinu preduzeća u cjelini.
- Prodajom preduzeća u cjelini moglo bi se doći do strateškog partnera sa definisanim planovima za pokretanje proizvodnje u preduzeću.
- Prodajom tehnoekonomske cjeline koje su nastale podjelom preduzeća, bila bi registrovana tri nova pravna subjekta. S obzirom da privredno društvo „Hepok“ d.d. Mostar na većini poljoprivrednog zemljišta ima pravo korištenja, prodajom preduzeća u cjelini to pravo bilo bi zadržano na već postojećem subjektu, tj. privredno društvo „Hepok“ d.d. Mostar zadržalo bi kontinuitet u uživanju istog.
- S obzirom da niti jedan kupac nije iskazao interes za kupovinu „Destilerije“ kao posebne tehnoekonomske cjeline, prodajom samo nekih tehnoekonomske cjeline proces privatizacije ovog privrednog društva ne bi bio okončan, a na neprivatiziranom dijelu privrednog društva „Hepok“ d.d. Mostar najvjerojatnije bio bi pokrenut postupak likvidacije ili stečaja.
- Prodajom preduzeća u cjelini postupak privatizacije ovog privrednog društva bio bi okončan, a privredno društvo „Hepok“ d.d. Mostar nastavilo bi svoj kontinuitet sa realnim mogućnostima da vrati svoj raniji poslovni ugled i zastupljenost svojih proizvoda na domaćem i inostranom tržištu.

Imajući u vidu navedeno, vode se aktivnosti za iznalaženje najadekvatnijeg mogućeg načina i metoda privatizacije državnog kapitala u privrednom društvu

„Hepok“ d.d. Mostar. U vezi s tim, očekuje se inicijativa i donošenje odgovarajućih odluka od strane organa upravljanja društva. Shodno tome, APF će pristupiti provođenju privatizacijskih aktivnosti u okviru svojih nadležnosti.

#### **„Tvornica kartona i ambalaže“ d.o.o. Cazin**

Preduzeće Tvornica kartona i ambalaže „TKA“ doo Cazin, bilo je u nadležnosti Agencije za privatizaciju Unsko-sanskog kantona Bihać, u periodu 1999.-2002.godine.

Na osnovu usvojenog programa privatizacije i početnog bilansa stanja, Agencija Unsko-sanskog kantona, provodila je privatizaciju putem prodaje imovine u maloj privatizaciji.

Donošenjem Odluke o objedinjenoj listi preduzeća iz nadležnosti Agencije za privatizaciju u Federaciji BiH, objavljene u „Službenim novinama FBiH“, broj 13/02, preduzeće „TKA“ doo Cazin, prešlo je u nadležnost Agencije za privatizaciju u Federaciji BiH.

Rješenjem Agencije za privatizaciju u Federaciji BiH, broj: 05-19-4712/04 od 02.11.2004. godine, odobren je Program privatizacije i početni bilans sa stanjem na dan 31.12.2003. godine. Istim Rješenjem utvrđen je kapital u iznosu od 6.824.466,00 KM (100% državni kapital) i odobren je kombinovani metod privatizacije, prodajom imovine i kapitala:

- prodaja imovine/predmeta u maloj privatizaciji
- definisanje tehnoekonomskih cjelina preostalih nakon prodaje imovine iz prethodnog stava i njihova prodaja u velikoj privatizaciji u skladu sa članom 2. Zakona o izmjenama i dopunama Zakona o privatizaciji („Službene novine Federacije BiH“, broj:28/04);
- definisanje infrastrukture koja će preostati nakon provedenog postupka male privatizacije i prodaje tehnoekonomskih cjelina;
- nakon provedenih prethodnih postupaka, pristupilo bi se formiranju društva (d.o.o.) koje će upravljati postojećom infrastrukturom (saobraćajnice u krugu preduzeća, elektro, vodo, ptt kanalizaciona infrastruktura) koja nije prodana;
- provođenje postupka likvidacije preduzeća „TKA“ d.o.o. Cazin u skladu sa pozitivnim zakonskim propisima;

U skladu sa usvojenim programom privatizacije provedena je prodaja imovine preduzeća u postupku male privatizacije sa ciljem izmirenja preostalih obaveza preduzeća i rješavanja radno-pravnog statusa radnika, nakon čega se pristupilo fragmentalnoj prodaji imovine preduzeća u skladu sa članom 6. stav 1. tačka 2. Pravilnika o postupku prodaje imovine i dionica ili udjela preduzeća (prodavac Agencija).

S obzirom da su prodajom u maloj i velikoj privatizaciji nastupile značajne promjene u strukturi aktive i pasive bilo je potrebno izvršiti korekciju početnog bilansa stanja na dan 30.06.2006.godine i utvrditi stvarnu vrijednost kapitala.

Rješenjem Agencije broj:05-19-3660/06 od 23.11.2006. godine odobren je korigovani početni bilans stanja i utvrđena vrijednost kapitala u iznosu od 4.904.878,00 KM (100% državni kapital). Istim Rješenjem utvrđen je nastavak prodaje ostatka imovine u skladu sa usvojenim programom privatizacije koji je odobren Rješenjem Agencije za privatizaciju u Federaciji BiH, broj:05-19-4712/04 od 02.11.2004. godine, sa stanjem na dan 31.12.2003. godine.

Agencija će u 2008. godini nastaviti postupak privatizacije u skladu sa usvojenim programom privatizacije.

Preostalu infrastrukturu, za koju postoji interes Općine Cazin, a koja je u vlasništvu „TKA“ d.o.o. Cazin, (unutrašnje saobraćajnice, zemljište izvan kruga, fabrike, izvorišta vode uključujući magistralni vod te kanalizacione magistralne vodove), potrebno je izuzeti iz postupka privatizacije i ista bi bila uključena u javno preduzeće Općine Cazin koje bi upravljalo navedenom imovinom/kapitalom. Takođe je potrebno izvršiti prenos/prodaju elektroenergetskih postrojenja na JP Elektroprivreda BiH nakon prodaje imovine u maloj i velikoj privatizaciji.

Nakon što Agencija provede postupak prodaje preostale imovine, što se izvrši prenos preostale infrastrukture na Općinu Cazin i prenos/prodaja elektroenergetskih postrojenja na JP Elektroprivreda BiH, pokrenut će se postupak likvidacije preduzeća „TKA“ d.o.o. Cazin u skladu sa pozitivnim zakonskim propisima.

#### **„Šipad export-import“ d.d Sarajevo**

Preduzeće „Šipad export-import“ d.d Sarajevo dostavilo je Agenciji za privatizaciju u FBiH Program privatizacije i Početni bilans stanja na dan 31.12.1999. godine. Isti su odobreni Odlukom Upravnog odbora APF-a broj: 01-02-1173/2000 od 22.03.2000. godine, te je izdato Rješenje broj: 01-02-4787/2000 od 18.10.2000. godine. U početnom bilansu, između ostalih navedena je i nekretnina Luka Šibenik.

U 2003. godini preduzeće je pokrenulo inicijativu o prodaji Luke Šibenik u postupku male privatizacije. Nakon što se preduzeće obratilo ministarstvu, Federalno ministarstvo trgovine svojim dopisom broj: 01-49-2028/03 od 21.10.2003. godine dalo je instrukcije da se iz aktivnog podbilansa isključi Luka Šibenik, jer navedeno preduzeće ne raspolaže imovinom u R. Hrvatskoj.

Kako menadžment i Upravni odbor preduzeća „Šipad export import“ nisu postupili po nalogu resornog ministarstva, stručne službe Agencije smatraju da postoje razlozi za obnavljanje postupka odobravanja Programa privatizacije i Početnog bilansa na osnovu člana 246. Zakona o upravnom postupku („Službene novine FBiH“ broj 2/98 i 48/99) na bazi novih saznanja da navedena nekretnina nije u posjedu, odnosno nije pod kontrolom preduzeća.

Na bazi podataka pribavljenih u prijašnjem kao i u obnovljenom postupku, a u skladu s članom 8. stav 1. tačka 1) Zakona o početnom bilansu stanja preduzeća i banaka i u skladu sa članom 18.k Uredbe o izmjenama i dopunama Uredbe o

metodologiji za pripremu programa i izradu početnog bilansa preduzeća za privatizaciju, te na osnovu akta Vlade Federacije Bosne i Hercegovine broj: 03-19-1019/2004. od 12.10.2004. godine, vrijednost Luke Šibenik je isknjižena iz Aktivnog podbilansa na dan 31.12.1999. godine i za taj iznos umanjen je iznos kapitala srazmjerno učešću pojedinih oblika kapitala u ukupnom kapitalu.

Upravni odbor Agencije donio je odluku o odobravanju Programa privatizacije i početnog bilansa, te je izdato Rješenje o odobravanju Programa privatizacije i Početnog bilansa u obnovljenom postupku, broj: 03-19-4841/04 od 16.11.2004. godine.

Nakon javne ponude dionica u kojoj je ponuđeno 12,48% ukupnog kapitala preduzeća Šipad export import Sarajevo, struktura kapitala je slijedeća:

<i>Državni kapital</i>	8.456.912,00 ili 67,00 %
<i>Privatni kapital</i>	<u>4.165.344,00 ili 33,00 %</u>
<i>Ukupno</i>	12.622.256,00 ili 100,00 %

Agencija je izdala Rješenje o odobrenju upisa izvršene privatizacije u sudski registar broj: 03-19-845/05 od 28.02.2005. godine.

Oko Luke Šibenik pokrenut je sudski spor. U decembru 2005. godine sva raspoloživa dokumentacija, vezano za preduzeće „Šipad Export-import“, izuzeta je od strane SIPE po nalogu Tužilaštva Bosne i Hercegovine.

Original dokumentacija vraćena iz tužilaštva aktom broj: KT-439/05 od 19.11.2007. godine.

Vlada Federacije BiH na osnovu Politike djelovanja i osnova strategije za period 2007. – 2010. godine nastoji dugoročno intenzivirati razvoj, provođenje reformi i jačanje ukupne stabilnosti u entitetu. Izmjenama i dopunama Zakona o privatizaciji preduzeća omogućena je prodaju dijela državnog vlasništva i putem berze.

U saradnji sa Federalnim ministarstvom trgovine a na prijedlog Agencije, Vlada Federacije BiH donijela je na 32. sjednici, održanoj 09.11.2007. godine Odluku o prodaji dijela državnog kapitala u preduzeću „Šipad export-import“ prodajom dionica na Sarajevskoj berzi vrijednosnih papira. Ukupno će se prodavati 16 posto ukupnog kapitala, odnosno 182.460 dionica preko Agencije za privatizaciju FBiH.

Upravni odbor Agencije donio je na 21. sjednici Odluku o odobravanju Plana prodaje dionica društva na berzi „Šipad export – import“ d.d. Sarajevo.

SASE na zahtjev Agencije dostavlja dopisom broj: 01-03-665/07 od 09.11.2007. godine podatke o tri člana Sarajevske berze koji su ostvarili najveći promet u prethodna tri mjeseca (august, septembar, oktobar/2007.godine), izuzimajući promet državnim dionicama, na čije adrese dana 14.11.2007. godine Agencija upućuje poziv za dostavu ponude za izbor profesionalnog posrednika za prodaju dionica preduzeća. Ponude su dostavljene u zakonskom roku i procedura odabira je u toku.

### **„UNIS-udružena metalna industrija“ d.d Sarajevo**

Agencija je odobrila Program privatizacije i Početni bilans ovog preduzeća 31.12.1999. godine, broj: 01-02-4751/200 od 17.10.2000. godine i odobrila kapital u iznosu 51.101.601,00 KM. Navedenim Rješenjem, utvrđen je kombinovani metod privatizacije:

- 67,00 % ukupnog kapitala privatizovat će se putem tendera u velikoj privatizaciji
- prodaja udjela preduzeća Unis d.d. Sarajevo u preduzeću Volkswagen d.o.o. Sarajevo izvršit će se putem javnog prikupljanja ponuda (tender) u velikoj privatizaciji,
- 19,17% ukupnog kapitala privatizirat će se putem javne ponude dionica

Upravni odbor Agencije donio je Odluku o prodaji udjela preduzeća Unis d.d. Sarajevo u ukupnom kapitalu preduzeća Volkswagen Sarajevo d.o.o. metodom javnog prikupljanja ponuda (tender) u maloj privatizaciji broj: 01-02-1393/2001. od 03.04.2001. godine. Agencija je objavila Javni poziv za prikupljanje zatvorenih ponuda za prodaju udjela. Nakon provedene procedure odabran je "Prevent Sarajevo" d.o.o. Visoko kao najpovoljniji ponuđač i sklopljen je ugovor 27.07.2001.godine.

Preduzeće Unis d.d Sarajevo dostavilo je korigovani Program privatizacije i Početni bilans na dan 31.12.2000. godine koji je odobren Rješenjem broj: 01-03-4481/2001 od 05.10.2001. godine. Ovim Rješenjem odobren je kapital u iznosu od 52.042.505,00 KM.

U skladu sa navedenim Rješenjem provedena je javna ponuda dionica i privatizovano 19,418% ukupnog kapitala preduzeća, te je Agencija izdala Rješenje o odobrenju upisa izvršene privatizacije u sudski registar broj: 01-03-1339/2002 od 21.03.2002. godine.

Preduzeće je dostavilo korigovani Program privatizacije i Početni bilans 30.06.2005. godine koji je usvojen od strane Upravnog odbora APF-a i izdato je Rješenje broj: 03-19-879/ 06 od 14.03.2006. godine. Ovim Rješenjem utvrđena je slijedeća struktura kapitala:

<i>Državni kapital</i>	32.413.734,00 KM	67,00 %
<i>Privatni kapital</i>	15.963.649,00 KM	33,00%
<i>Ukupno</i>	48.377.383,00 KM	100,00 %

Vlada FBiH je donijela Odluku o određivanju metoda privatizacije državnog kapitala preduzeća UNIS udružena metalna industrija d.d Sarajevo u skladu sa kojom je i objavljen tender za prodaju 67% osnovnog kapitala.

S obzirom da do roka za podnošenje ponuda (24.04.2006. godine) nije pristigla niti jedna ponuda, tender je proglašen neuspješnim.

Na osnovu konsultacija sa Federalnim ministarstvom energije, rudarstva i industrije, pozitivnog stava menadžmenta u preduzeću UNIS d.d. Sarajevo, Politike

djelovanja i osnova strategije Vlade FBiH, Agencija za privatizaciju u FBiH pripremila je za Vladu Federacije BiH obrazloženje za donošenje Odluke o prodaji dijela državnog kapitala u preduzeću UNIS – Udružena metalna industrija d.d. Sarajevo. Predložena je prodaja putem berze.

### **„Sarajevo-osiguranje“ d.d Sarajevo**

Rješenjem od 05.06.2000. godine, odobren je Početni bilans i Program privatizacije i utvrđena slijedeća struktura kapitala iskazana u Aktivnom podbilansu 31.12.1999. godine:

<i>Državni kapital</i> .....	41.301.479 KM	ili	89,00000 %
<i>Privatni kapital</i> .....	4.639.123 KM	ili	10,09809 %
<i>Preventiva</i> .....	233.189 KM		
<i>Tehničke rezerve</i> .....	<u>20.120.024 KM</u>		
<i>Ukupan kapital</i> .....	66.293.815 KM	ili	100,00000%

Rješenjem je utvrđeno da će se vrijednost državnog kapitala od 20.404.861 KM prodavati metodom javnog upisa dionica. Istim Rješenjem je utvrđeno da se u roku od tri godine ne vrši prodaja drugog dijela državnog kapitala u iznosu od 20.896.618 KM

U obnovljenom postupku odobren je Program privatizacije i Početni bilans Društva za osiguranje Sarajevo osiguranje d.d. Sarajevo, sa navedenom strukturom kapitala iskazanom u Rješenju 31.12.1999. godine:

Istim Rješenjem o obnovljenom postupku je utvrđeno da će se prodaja državnog kapitala u iznosu 41.301.479,00 KM izvršiti kombinovanim metodom i to:

- 45,48616% ukupnog kapitala ili 20.896.618,00 KM metodom tendera,
- 44,41575% ukupnog kapitala ili 20.404.861,00 KM metodom javne ponude dionica

U Prvom javnom pozivu za upis dionica uspješno je okončana prodaja dionica.

Prvi javni poziv za prodaju državnog kapitala metodom tendera objavljen je 15.08.2001. godine. Kako dogovor sa jedinim ponuđačem nije postignut, donešena je Odluka o proglašenju tendera neuspješnim.

Slijedeći javni poziv za prodaju državnog kapitala metodom neposredne pogodbe objavljen je 27.09.2002. godine. I ova prodaja je proglašena neuspješnom.

Novi javni poziv za prodaju metodom neposredne pogodbe objavljen je 07.05.2004. godine. Pregovori su vođeni sa šest ponuđača, a ponude prva tri ponuđača bile su:

- po osnovu cijene u rasponu od 9.600.000 KM do 10.500.000 KM
- po osnovu investicija od 14.600.000 KM do 15.500.000 KM

Neposredno pred održavanje posljednjih pregovora, kad su trebale biti date konačne ponude, 03.08.2004. godine proces je zaustavljen zbog prigovora jednog

od ponuđača o validnosti učešća Zavarovalnice Triglav d.d Ljubljana i Croatia osiguranja d.d. Zagreb, koje nisu u potpunosti u privatnom vlasništvu.

Naime, u Izmjenama i dopunama Zakona o privatizaciji preduzeća u članu 3. je navedeno da u privatizaciji ne mogu učestvovati preduzeća koja su i sama predmet privatizacije, bez pojašnjenja da li se to odnosi i na pravna lica izvan FBiH, odnosno bez prelaznih rješenja (recimo, pojašnjenje slučajeva započelih po ranije važećem Zakonu). Napominjemo da je javni poziv bio objavljen prije pomenutih Izmjena i dopuna Zakona o privatizaciji, te je Parlamentu 26.07.2004. godine upućena inicijativa za autentično tumačenje predmetnog člana Zakona. Traženo tumačenje nije dobijeno.

Vlada FBiH je na 109. sjednici održanoj 12.05.2005. godine, usvojila Informaciju o privatizaciji Društva Sarajevo osiguranje dostavljenu od strane Agencije i donijela Zaključak kojima se Agencija zadužuje da poništi objavljeni tender i uz preciziranje uvjeta i poštivanje pozitivnih zakonskih propisa raspiše novi tender za privatizaciju, u što kraćem roku. Svi ponuđači su 18.05.2005. godine obaviješteni o otkazivanju prodaje.

Objava novog javnog poziva za prodaju državnog kapitala bila je planirana u martu 2006. godine. Rok je prolongiran zbog aktivnosti Društva vezanih za dokapitalizaciju o čemu je Društvo obavijestilo Agenciju aktom od 14.02.2006. godine. Kako na Skupštini dioničara (dvije sjednice u toku godine) nisu usvojene odluke o smanjenju kapitala niti o dokapitalizaciji, Rebalansom plana je planirana objava prodaje državnog kapitala ovog društva.

U Zakonu o izmjenama i dopunama Zakona o privatizaciji preduzeća („Službene novine FBiH“, broj 42/06) u članu 4. stav 5. je navedeno:

„U preduzećima sa više od 50% privatnog kapitala, preostali državni kapital, dionice ili udjeli u tim preduzećima mogu se prodavati putem berze“.

Odluku o prodaji državnog kapitala putem berze donosi nadležna vlada na prijedlog nadležnog ministarstva, odnosno agencije.

Vladi FBiH je 17.05.2007. godine upućen prijedlog odluke o prodaji državnog kapitala Društva putem berze ili davanje saglasnosti za prodaju javnim prikupljanjem ponuda. Uz prateći dopis i prijedlog odluke dostavljeno je i obrazloženje.

Vlada FBiH je, nakon usvajanja Godišnjeg izvještaja o radu društva, na njihov prijedlog, usvojila Zaključak V.broj: 262/07 od 23.05.2007. godine, kojim se nalaže APF-u da napravi plan dokapitalizacije preduzeća i plan privatizacije uz obezbjeđivanje isknjižavanja potraživanja po isplaćenim prijeratnim štetama (cca 19 mil.KM) na račun ukupnog kapitala. Budući da se te aktivnosti ne vode po privatizacijskim propisima nego po Zakonu o privrednim društvima, APF se nije uključivala u iste.

Dopisom od 16.11.2007. godine Društvo nas je obavijestilo da je na VIII Skupštini dioničara, održanoj 12.11.2007. godine donešena Odluka o emisiji dionica putem javne ponude dionica, po pravu preče kupnje.

Na 35. sjednici Vlade FBiH, održanoj 03.12.2007. godine, Federalna vlada je Odlukom prihvatila Prijedlog odluke Nadzornog odbora Društva o emisiji dionica putem javne ponude dionica, sa korištenjem prava preče kupnje i konstatovala da je vlasnik 45,49% dionica.

Nadzorni odbor Sarajevo-osiguranja d.d. Sarajevo je na XII sjednici održanoj dana 21.02.2008. godine donio Odluku o prekidu upisa i uplate vrijednosnih papira/dionica prije isteka utvrđenog roka, jer je upisan i uplaćen ukupan broj emitovanih dionica od 960.000 KM.

Naredne aktivnosti APF-a na privatizaciji državnog kapitala ovog Društva su uslovljene okončanjem svih aktivnosti, koje slijede nakon uspješnog okončanog upisa i uplate vrijednosnih papira/dionica.

#### **„Energopetrol“ d.d. Sarajevo**

Agencija za privatizaciju u Federaciji Bosne i Hercegovine, kao nadležna agencija za privatizaciju preduzeća Energopetrol dd Sarajevo, odobrila je Program privatizacije i početni bilans stanja ovog preduzeća sa stanjem na dan 31.12.1999. godine i izdala Rješenje o odobravanju Programa privatizacije i početnog bilansa broj: 01-02-4459/2000 od 27.09.2000. godine.

Navedenim rješenjem odobren je ukupni kapital u izosu od 22.669.989,65 KM. Dio ukupnog kapitala od 3.430.810,63 KM ili 15,13% pripada fizičkim licima po osnovu ranije izvršene vlasničke transformacije. Dio kapitala od 4.050.286,00 KM ili 17,87 % privatiziran je putem javne ponude dionica. Dio ukupnog kapitala od 15.188.893,02 KM ili 67% predstavlja državni kapital.

Vlada FBiH je 14. oktobra 2004. godine donijela Odluku o namjeri odabira prihvatanja novog partnera za sanaciju Energopetrol dd Sarajevo putem privatizacije ili dokapitalizacije

Aktivnosti na provođenju navedene Odluke Vlade FBiH u dijelu koji se odnosi na pripremu tenderske dokumentacije, objavljivanje tendera, vrednovanje prispjelih ponuda i prijedlog za odabir najpovoljnijeg ponuđača, provela je Komisija formirana od strane Vlade FBiH.

U okviru roka za dostavljanje ponuda, Agencija za privatizaciju u FBiH zaprimila je pet pošiljki koje se odnose na Energopetrol dd Sarajevo. Komisija je u postupku javnog otvaranja ponuda održanog 14.04.2005. godine utvrdila da se radi o tri validne ponude:

- 1) OMV Refining & Marketing GmbH Viena Austrija, 2) Konzorcij Mol Hungarian Oil and Gas Plc. (MOL) Budapest i INA Industrija nafte d.d. Zagreb Hrvatska, 3) Euroinžinjering d.o.o. Tuzla BiH.

U sadržaju četvrte koverta koju je dostavila kompanija Petrol Ljubljana Slovenija bilo je pismo o odustajanju od ponude, a petu kovertu dostavila je dodatno kompanija Euroinžinering doo Tuzla, koja je zaprimljena izvan roka za dostavu ponuda, što je u skladu sa Pravilima pozivnog tendera službeno vraćeno pošiljaocu.

Na osnovu tabelarne evaluacije ponuda, Vlada FBiH je donijela 14. oktobra 2005. godine Odluku o proglašenju najboljeg ponuđača u postupku odabira novog partnera za sanaciju privrednog društva Energopetrol dd Sarajevo putem dokapitalizacije („Službene novine FBiH“ broj 61/05). Navedenom odlukom za najboljeg ponuđača proglašen je Konzorcij- MOL Hungarian Oil Gas Plc. I ONA-Industrija nafte d.d. Zagreb.

Navedena Komisija je Vladi FBiH i Parlamentu FBiH dostavila na razmatranje Informaciju o donošenju Odluke o izboru starteškog partnera u dokapitalizaciji Energopetrol dd Sarajevo, aktom broj: 11-02-3674/04 od 31.10.2005. godine.

Vlada Federacije BiH donijela je Rješenje o formiranju Komisije za provođenje tendera za dokapitalizaciju Energopetrola dd Sarajevo („Službene novine FBiH“ broj 63/05). Navedenim Rješenjem, Komisija je dobila zadatak da, na osnovu tenderske dokumentacije za dokapitalizaciju Energopetrol dd Sarajevo, ponude

Konzorcija MOL/INA i usaglašenih stavova prethodne Komisije Vlade FBiH i Konzorcija, sačini nacrt i usaglasili tekst Ugovora o dokapitalizaciji Energopetrola dd Sarajevo.

Nakon usaglašavanja, Ugovor o dokapitalizaciji Energopetrol d.d. Sarajevo potpisan je 08.09.2006. godine.

Provođenjem dokapitalizacije kod Komisije za vrijednosne papire Federacije Bosne i Hercegovine trenutna struktura kapitala u preduzeću Energopetrol d.d. Sarajevo je :

Federalno ministarstvo energije, rudarstva i industrije  
(državni kapital)..... 22,1214 %  
INA dd Zagreb, MOL dd Budapest i ostali dioničari  
(privatni kapital) ..... 77,8786 %

Struktura kapitala preduzeća Energopetrol dd Sarajevo na dan 30.06.2007. godine, nakon provedene dokapitalizacije je slijedeća:

- upisani osnovni kapital ..... 68.661.525,00 KM
- dionička premija ..... 14.191.775,00 KM
- revalorizacijske i prenesene rezerve ..... 3.561.050,00 KM
- ostale rezerve .....11.690,00 KM
- akumulirana dobit ..... 136.459,00 KM
- akumulirani (preneseni) gubitak ..... 49.586.716,00 KM
- U k u p n o.....36.975.783,00 KM

Struktura upisanog osnovnog kapitala je slijedeća:

- Federalno ministarstvo energije, rudarstva, i industrije

- (državni kapital) ..... 15.188.891,00 KM ili 22,1214 %
- Ostali dioničari (privatni kapital)..... 53.472.634,00 KM ili 77,8786 %
- Ukupno..... 68.661.525,00 KM ili 100,0000 %

Korporativna radnja smanjenje upisanog kapitala za iznos akumuliranog gubitka nije provedena.

### **IP „Krivaja“ d.d Zavidovići**

Upravni odbor Agencije za privatizaciju Zeničko-dobojskog kantona je na svojoj 60. sjednici održanoj 24.10.2003. godine, donio Rješenje o odobravanju Programa privatizacije i početnog bilansa stanja preduzeća IP Krivaja d.d Zavidovići. Navedenim Rješenjem, utvrđuje se ukupna vrijednost kapitala preduzeća IP Krivaja d.d Zavidovići na dan 30.06.2003.godine u iznosu od 254.575.892,00 KM i to 100% državni kapital.

Upravni odbor Agencije za privatizaciju u Federaciji BiH je na 48. sjednici od 22.06.2005. godine donio Odluku o usvajanju Programa privatizacije i Početnog bilansa stanja sa stanjem na dan 31.12.2004.godine i ukupnim državnim kapitalom od 226.959.400,00 KM.

Vlada Federacije BiH je 21.07.2005. godine donijela Odluku broj: 388/2005 o odobravanju metoda privatizacije državnog kapitala u IP Krivaja d.d Zavidovići. Tender je objavljen 27.07.2005. godine sa rokom za prijavu od 70 dana (zaključno sa 04.10.2005.godine).U propisanom roku Komisija nije zaprimila ni jednu zvaničnu ponudu te je tenderska prodaja proglašena neuspješnom.

Donošenjem i stupanjem na snagu Zakona o izmjenama i dopunama Zakona o privatizaciji preduzeća („Sl. novine FBiH“, br. 42/06) i Uredbe o postupku pripreme i podjele preduzeća na tehnoekonomske cjeline u svrhu privatizacije („Sl. novine F BiH“, br. 73/06), stvorene su pretpostavke za podjelu ovog preduzeća na tehnoekonomske cjeline u svrhu privatizacije. S tim u vezi provedene su sljedeće privatizacijske aktivnosti:

- Nadzorni odbor preduzeća, na osnovu inicijative uprave preduzeća, donio je Odluku o pokretanju postupka podjele preduzeća na tehnoekonomske cjeline.
- Komisija, koju je imenovao Nadzorni odbor preduzeća, izradila je Prijedlog plana podjele preduzeća na tehnoekonomske cjeline.
- Nadzorni odbor preduzeća donio je Odluku o utvrđivanju Prijedloga plana podjele preduzeća na tehnoekonomske cjeline, i ista je zajedno sa Prijedlogom plana podjele preduzeća dostavljena APF-u na dalje postupanje.
- Prijedlog plana podjele preduzeća, APF je dostavila Federalnom ministarstvu energije, rudarstva i industrije na dalje postupanje, tj. dostavljanje istog Vladi Federacije BiH radi davanja saglasnosti i donošenja odluke o utvrđivanju metoda privatizacije.

**Napomena:** Odlukom o pokretanju postupka podjele preduzeća na tehnoekonomske cjeline u svrhu privatizacije bilo je definisano 9 (devet)

tehnoekonomskih cjelina. S tim u vezi, Komisija je izradila Prijedlog plana podjele preduzeća na 9 (devet) tehnoekonomskih cjelina, što je utvrđeno i Odlukom Nadzornog odbora preduzeća. Međutim, Federalno ministarstvo energije, rudarstva i industrije dalo je saglasnost da se tehnoekonomska cjelina „Remont i transport“ privatizuje po uslovima za „malu privatizaciju“. Shodno tome, Nadzorni odbor preduzeća donio je Odluku o izmjeni i dopuni odluke o pokretanju postupka podjele preduzeća na tehnoekonomske cjeline kojom je definisano 8 (osam) tehnoekonomskih cjelina. Imajući u vidu navedeno, Komisija je izradila novi Prijedlog plana podjele kojim je definisano 8 (osam) tehnoekonomskih cjelina, što je svojom odlukom utvrdio i Nadzorni odbor preduzeća.

U daljoj proceduri provedene su sljedeće privatizacijske aktivnosti:

- Vlada Federacije BiH donijela je Odluku o davanju saglasnosti na Prijedlog plana podjele preduzeća IP „Krivaja“ d.o.o. Zavidovići na tehnoekonomske cjeline u svrhu privatizacije i utvrđivanju metoda privatizacije („Sl. novine F BiH“, br. 49/07).
- Skupština preduzeća donijela je Odluku o usvajanju plana podjele preduzeća na tehnoekonomske cjeline u svrhu privatizacije.
- APF je odobrila programe privatizacije i početne bilanse stanja tehnoekonomskih cjelina (ukupan kapital tehnoekonomskih cijena iznosi 108.545.043 KM). Upravni odbor APF usvojio je početne bilanse i programe privatizacije tehnoekonomskih cjelina, uslovno, dok Vlada Federacije BiH ne da saglasnost na promjenu Plana podjele preduzeća IP „Krivaja“ d.o.o., a koja se odnosi na promjenu principa raspodjele imovine i obaveza.
- Vlada Federacije BiH donijela je Odluku o dopuni Odluke o davanju saglasnosti na Prijedlog plana podjele preduzeća IP „Krivaja“ d.o.o. Zavidovići na tehnoekonomske cjeline u svrhu privatizacije i utvrđivanju metoda privatizacije („Sl. novine FBiH“, br. 64/07).
- APF donosi rješenja o odobravanju programa privatizacije i početnog bilansa stanja za svih 8 (osam) tehnoekonomskih cjelina.
- APF donosi Rješenje o imenovanju Komisije za provođenje prodaje državnog kapitala u tehnoekonomskim cjelinama nastalih podjelom preduzeća IP „Krivaja“ d.o.o. Zavidovići.
- Javni poziv za dostavljanje ponuda putem otvorenog tendera za prodaju svih tehnoekonomskih cjelina objavljen je u listu „Dnevni avaz“ od 01.10.2007. godine. Po tom javnom pozivu krajnji rok za dostavljanje ponuda bio je 31.10.2007. godine. Na prijedlog Komisije, APF odobrava produženje roka za podnošenje ponuda prvo do 12.11.2007. godine, a zatim do 30.11.2007. godine.
- U skladu sa utvrđenim vremenskim rasporedom Komisija će provoditi dalje aktivnosti, a potpisivanje ugovora o kupoprodaji trebalo bi se obaviti do 28.01.2008. godine.

**„KTK“ d.d Visoko**

Rješenjem APF-a, odobren je Program privatizacije i početni bilans preduzeća KTK Visoko d.o.o.-d.j.l Visoko, sa slijedećom strukturom kapitala iskazanom u Aktivnom početnom podbilansu na dan 31.12.1999. godine:

*Državni kapital* 103.979.419,00 KM ili 100,00 %

*Privatni kapital* 0,00 KM ili 0,00 %

*Ukupno* 103.979.419,00 KM ili 100,00%

Istim Rješenjem utvrđeno je da će se prodaja državnog kapitala izvršiti kombinovanim metodom i to:

- 67,0% ukupnog kapitala ili 69.629.266,93 KM metodom tendera, a
- 33,0% ukupnog kapitala ili 34.295.012,07 KM metodom javne ponude dionica.

U Prvom javnom pozivu za upis dionica uspješno je okončana prodaja dionica.

KTK Visoko je firma koja trenutno zapošljava 1310 radnika. Mada knjigovodstvena vrijednost kapitala iznosi 103.979.419 KM, od čega je oko 67% u državnom vlasništvu, on je realno znatno manji. Zbog niza objektivnih i subjektivnih uzroka, prije svega zbog nepovoljnog stanja na tržištu, ova firma posluje s gubitkom. Akumulirani gubitak, od usvajanja Početnog bilansa do kraja 2005. godine, iznosi 40.558.589 KM.

Zbog značaja i specifičnosti firme, pripreme za privatizacija i privatizacija se vršila uz tehničku pomoć u privatizaciji –Projekat PTAC, koji se finansirao iz kredita Svjetske banke (kredit 3531 BOS). Vlada je dala saglasnost na zaključivanje ugovora sa Konsultantskom kućom IOS Partners IMC.

U prethodnom periodu vršena je prodaja imovine u maloj privatizaciji, ali je obustavljena zbog poreske blokade ukupne imovine firme na području Općine Visoko,

Pitanje osnovanosti poreske obaveze i hipoteke permanentno se pokušava riješiti, ali do sada bezuspješno. Isto tako, pokušavalo se riješiti svođenja hipoteke na dio imovine KTK koji nije u prioritetu za privatizaciju, a čime bi poreska obaveza bila pokrivena. Ni to se do sada nije riješilo.

Po donošenju Odluke o određivanju metoda privatizacije državnog kapitala u preduzeću KTKd.d Visoko od strane Vlade FBiH, okončane su pripreme dokumenata za objavu javnog poziva.

Prvi javni poziv za prodaju državnog kapitala metodom tendera objavljen je 16.06.2006. godine, a rađen je u saradnji sa IOS-partners.

Tender je proglašen neuspješnim, jer nije bilo interesa, odnosno nije dostavljen niti jedna ponuda.

Donošenjem Uredbe o postupku pripreme i podjele preduzeća na tehnoekonomske cjeline u svrhu privatizacije („Službene novine FBiH“ broj 73/06) stekli su se uslovi za restrukturiranje firme i/ili prodaju u fragmentima (pojedinačnih tehničko-tehnoloških cjelina kao samostalnih subjekata).

Donošenjem i stupanjem na snagu Zakona o izmjenama i dopunama Zakona o privatizaciji preduzeća („Sl. novine FBiH“, br. 42/06) i Uredbe o postupku pripreme i podjele preduzeća na tehnoekonomske cjeline u svrhu privatizacije („Sl. novine FBiH“, br. 73/06), stvorene su pretpostavke za podjelu ovog preduzeća na tehnoekonomske cjeline u svrhu privatizacije. S tim u vezi provedene su sljedeće privatizacijske aktivnosti:

- Nadzorni odbor preduzeća, na osnovu inicijative uprave preduzeća, donio je Odluku o pokretanju postupka podjele preduzeća, kojom je definisano 5 (pet) tehnoekonomskih cjelina.
- Komisija, koju je imenovao Nadzorni odbor preduzeća, izradila je Prijedlog plana podjele preduzeća na tehnoekonomske cjeline.
- Nadzorni odbor preduzeća donio je Odluku o utvrđivanju Prijedloga plana podjele preduzeća na tehnoekonomske cjeline, i ista je zajedno sa Prijedlogom plana podjele preduzeća dostavljena APF-u na dalje postupanje.
- APF je na osnovu izvršene analize dostavljenog Prijedloga plana podjele preduzeća utvrdila određene nedostatke i nepravilnosti, te je isti vraćen preduzeću radi korekcija. U toku je izrada korigovanog, tj. novog Prijedloga plana podjele preduzeća na tehnoekonomske cjeline.

#### **“Željezara” d.o.o Zenica**

Rješenjem o odobravanju korigovanog Početnog bilansa i programa privatizacije utvrđena je slijedeća struktura kapitala iskazana u Aktivnom početnom podbilansu na dan 31.12.1999. godine:

<i>Državni kapital</i>	661.294.065 KM ili 100,00 %
<i>Privatni kapital</i>	0 KM ili 0,00 %
<i>Ukupno</i>	661.294.065 KM ili 100,00 %

Iz aktivnog podbilansa, do konačnog rješenja OHR-a po pitanju dvojno iskazane imovine, isključena je imovina i pripadajući iznos kapitala hotela „Zenit“ u Neumu, knjigovodstvene vrijednosti 42.995.605 KM, tako da ukupan kapital za prodaju iznosi 618.298.460 KM.

Utvrđeno je da će se prodaja državnog kapitala izvršiti kombinovanim metodom:

- 67,00% ukupnog kapitala ili 414.259.968 KM metodom tendera
- 33,00% ukupnog kapitala ili 204.038.492 KM metodom javnog upisa dionica.

Godišnje su se radili korigovani programi privatizacije i početni bilansi, a posljednjim Rješenjem o odobravanju korigovanog Programa privatizacije i Početnog bilansa, utvrđena je slijedeća struktura kapitala iskazana u Aktivnom podbilansu na dan 31.12.2005. godine:

<i>Državni kapital</i>	103.114.199 KM ili 100,00 %
<i>Privatni kapital</i>	0 KM ili 0,00 %
<i>Ukupno</i>	103.114.199 KM ili 100,00%

Metod prodaje nije utvrđen.

Razlika u kapitalu po početnom bilansu za 1999. godinu i za 2005. godinu od cca 515 miliona KM je rezultat isknjižavanja gubitaka iz redovnog poslovanja za period 2000-2005. godine (cca 360 mil.KM) i isknjižavanja udjela u BHSC (155 mil.KM).

Donošenjem i stupanjem na snagu Zakona o izmjenama i dopunama Zakona o privatizaciji preduzeća („Sl. novine FBiH“, br. 42/06) i Uredbe o postupku pripreme i podjele preduzeća na tehnoeкономске cjeline u svrhu privatizacije („Sl. novine FBiH“, br. 73/06), stvorene su pretpostavke za podjelu ovog preduzeća na tehnoeкономске cjeline u svrhu privatizacije. S tim u vezi, provedene su sljedeće privatizacijske aktivnosti:

- Nadzorni odbor preduzeća, na osnovu inicijative uprave preduzeća, donio je Odluku o pokretanju postupka podjele preduzeća na tehnoeкономске cjeline, kojom je bilo definisano 13 (trinaest) tehnoeкономskih cjelina. Izmjenama i dopunama navedene odluke definisano je 6 (šest) tehnoeкономskih cjelina.
- Komisija, koju je imenovao Nadzorni odbor preduzeća, izradila je Prijedlog plana podjele preduzeća na tehnoeкономске cjeline.
- Nadzorni odbor preduzeća donio je Odluku o utvrđivanju Prijedloga plana podjele preduzeća na tehnoeкономске cjeline, i ista je zajedno sa Prijedlogom plana podjele preduzeća dostavljena APF-u na dalje postupanje.
- APF je na osnovu izvršene analize dostavljenog Prijedloga plana podjele preduzeća utvrdila određene nedostatke i nepravilnosti, te je isti vraćen preduzeću radi korekcija.
- Ovo preduzeće će zbog značajnijih promjena u strukturi obaveza i potraživanja, pa time i kapitala, prethodno pripremiti korigovani Početni bilans stanja koji će biti osnova za izradu Prijedloga plana podjele preduzeća na tehnoeкономске cjeline. Sa navedenim je upoznato i resorno ministarstvo.

## **5. PREGLED FIRMI KOJE NISU U PLANU ZA PRIVATIZACIJU U 2008. GODINI SA MOGUĆIM AKTIVNOSTIMA**

U ovom dijelu daje se pregled preduzeća u nadležnosti Agencije za privatizaciju kod kojih privatizacija nije okončana sa opisom mogućih privatizacijskih aktivnosti, koje ne moraju rezultirati tranzicijom vlasništva.

Spisak je sačinjen na osnovu Odluke o objedinjenoj listi preduzeća iz nadležnosti Agencije za privatizaciju u FBiH („Službene novine FBiH“ broj:13/02, 64/02, 50/03, 54/04 i 41/05).

S obzirom da ova Odluka nije u saglasnosti sa postojećim zakonskim rješenjima (Zakon o izmjenama i dopunama Zakona o privatizaciji preduzeća „Službene novine FBiH“ br.42/06) bit će naglašena preduzeća kod kojih je nadležnost u privatizaciji sporna. Preduzeća koja su obuhvaćena tačkama 3.1, 3.2 i 3.4 nisu predmet ovog pregleda.

Iz pregleda su, takođe, isključene četiri (4) firme koje su na osnovu Sporazuma potpisanog između Vlade Federacije BiH, Vlade Tuzlanskog kantona, Agencije za privatizaciju u Federaciji BiH, i Agencije za privatizaciju Tuzlanskog kantona prenesene u nadležnost Agencije za privatizaciju u Federaciji BiH. Aktivnosti za vraćanje nadležnosti u privatizaciji ovih firmi na Agenciju za privatizaciju Tuzlanskog kantona su u toku.

**A) Nadležnost po osnovu čl. 3. Zakona o privatizaciji preduzeća u Federaciji BiH**

<i>R.b.</i>	<i>Preduzeće</i>	<i>Opis aktivnosti</i>	<i>Napomena</i>
1. 2.	<b>JP Elektroprivreda BiH JP Elektropropr. HZ HB</b>	Izrada industrijske politike elektro- energetskog sektora u FBiH; Realizacija akcionog plana restrukturiranja; Utvrđivanje javnog interesa FBiH	Aktivnosti prema Politici privatizacije u FBiH
3. 4.	<b>JP BH Pošte JP Hrvatske pošte</b>		Prema Politici privatizacije nisu predmet privatizacije u narednom periodu.
5. 6.	<b>JP BH šume JP Šume HB</b>		Prema Politici privatizaciji nisu predmet privatizaciji u narednom periodu.
7. 8.	<b>JP za vodno područje slivova Save-Sarajevo JP za vodno područje slivova Jadranskog mora</b>	Po Zakonu o vodama predviđena je transformacija u Agenciju za vodno područje Save i Agencije za vodno područje Jadranskog mora	Prema Politici privatizacije nisu predmet privatizacije u narednom periodu
9. 10. 11. 12. 13. 14. 15. 16.	<b>BNT TMH, Novi Travnik RZT Travnik, Travnik RZ Hadžići, Hadžići UNIS Binas, Bugojno UNIS Ginex, Goražde UNIS Igman, Konjic UNIS Pretis nis, Vogošća ZRAK Holding, Sarajevo</b>	Odvajanje civilnog od vojnog dijela proizvodnje i prodaja kapitala dijelova ili imovine jednom zakonski utvrđenom metodom prodaje; Mogućnost pripajanja preduzeća ili dijelova preduzeća rudnicima ili elektroprivredi	Privatizovano 49%; Odluka Vlade FBiH o zadržavanju preostalog kapitala u državnom vlasništvu
17.	<b>JP Željeznice FBiH, Sarajevo</b>		Prema politici privatizacije nisu predmet privatizacije u narednom periodu
18.	<b>JP RTV FBiH, Sarajevo</b>		Odluka Vlade FBiH o izuzimanju iz privatizacije
19.	<b>JP B&amp;H Airlines, Sarajevo</b>	Učešće APF-a u proceduri dokapitalizacije	Komisija Vlade FBiH je u fazi biranja strateškog partnera za dokapitalizaciju
20.	<b>JP BH GAS, Sarajevo</b>	-	Odluka Vlade FBiH o odgađanju privatizacije na rok od pet godina(do 26. 01. 2010. godina)

**B) Nadležnost po osnovu čl. 6 Zakona o agenciji za privatizaciju u Federaciji BiH**

<i>R.b.</i>	<i>Preduzeće</i>	<i>Opis aktivnosti</i>	<i>Napomena</i>
1.	<b>JP Ceste HB, Mostar</b>		Po Odluci preostalih 51% d.k. kapitala nisu predmet privatizacije
2.	<b>Energoinvest, Sarajevo</b>		Po „Politici privatizaciji“ treba utvrditi javni interes FBiH
3.	<b>Hidrogradnja, Sarajevo</b>		Po „Politici privatizacije“ treba utvrditi javni interes FBiH
4.	<b>Natron, Maglaj</b>		Za ovo preduzeće (majka „Natron Hajata“) treba programirati stečaj i likvidaciju
5.	<b>FIP Mostar, Mostar</b>		
6.	<b>AFIP Sarajevo, Sarajevo</b>		
7.	<b>HUTP Salus hotel Stela, Neum</b>	U ovisnosti od ishoda sudskog postupka, APF će u potpunosti postupiti po pravom. sudskoj odluci i u saradnji sa resornim ministarstvom odlučiti o daljnjem postupku privatizacije.	
8.	<b>HTP Sunčana obala, Neum</b>	U ovisnosti od ishoda sudskog postupka, APF će u potpunosti postupiti po pravom. sudskoj odluci i u saradnji sa resornim ministarstvom odlučiti o daljnjem postupku privatizacije.	
9.	<b>Zenit – Bro, Neum</b>	U ovisnosti od ishoda sudskog postupka, APF će u potpunosti postupiti po pravomoćnoj sudskoj odluci i u saradnji sa resornim ministarstvom odlučiti o daljnjem postupku privatizacije.	
10.	<b>Petrol Ljubuški, Ljubuški</b>	Privatizacijske aktivnosti vodit će se u skladu sa Pravilnikom o principima, načinu postupanja i pravilima prodaje u provođenju privatizacije preduzeća sa spornim pravima, stvarima, obavezama i kapitalom	
11.	<b>UTP Odmaralište Neum, Neum</b>	Neaktivno preduzeće. Potrebno je riješiti odnose sa „Feroelektrrom“ vezano za imovinu koja je bila u pasivnom podbilansu „Feroelektra“ i koja nije bila predmetom privatizacije, a koju koristi „Feroelektro“. U toku je sudski spor po tužbi konzorcija iz Visokog kao ponuđača u privatizacije državnog kapitala.	

**C) Nadležnost po osnovu kasnije izmijenjenog čl. 11. Zakona o privatizaciji preduzeća u Federaciji BiH (Sporna nadležnost)**

<i>R.b.</i>	<i>Preduzeće</i>	<i>Opis aktivnosti</i>	<i>Napomena</i>
1.	Međunarodni aerodrom Sarajevo		Politika privatizacije isključuje preduzeće iz procesa privatizacije. Zbog specifičnosti preduzeća potreban angažman konsultanta za tehničku pomoć u pripremi privatizacije.
2.	Aerodrom Tuzla		Politika privatizacije isključuje preduzeće iz procesa privatizacije.
3.	Zračna luka Mostar		Politika privatizacije isključuje preduzeće iz procesa privatizacije.
4.	Holding putevi Sarajevo	Izrada PP i PBS preduzeća	PP i PBS nisu odobreni zbog sporne vlasničke strukture (iskazani udjeli drugih preduzeća).
5.	Poljoprivredni institut Sarajevo		Politika privatizacije isključuje preduzeće iz procesa privatizacije.
6.	Bosnalijek, Sarajevo		Politika privatizacije isključuje preduzeće iz procesa privatizacije
7.	Fabrika duhana Sarajevo		Politika privatizacije isključuje preduzeće iz procesa privatizacije
8.	SODA – SO Holding Tuzla		Dokumentacija vraćena KAP Tuzla
9.	Terminali Federacije, Sarajevo		Odlukom o osnivanju Društva privatizacija se odgađa za 10 godina.
10. 11. 12. 13. 14. 15. 16. 17.	RMU Kakanj RMU Breza RMU Zenica Rudnik Gračanica RMU Abid Lolić, Nova Bila Rudnici Kreka, Banovići RMU Đurđevik RMU Banovići	Relizacija akcionog programa restrukturiranja elektro-energetskog Sektora (Vlada FBiH); Izrada industrijske politike za elektro-energetski sektor (Vlada FBiH); Utvrđivanje javnog interesa u elektro-energetskom sektoru (Vlada FBiH)	Moguće privatizacijske aktivnosti ali nakon realizacije akcionog plana restrukturiranja elektro-energetskog sektora

## 6. MALA PRIVATIZACIJA

U 2008. godini planiran je nastavak prodaje u postupku male privatizacije na osnovu člana 26. stav 1. tačka 2. i 3. Zakona o privatizaciji preduzeća, Odluke Upravnog odbora Agencije za privatizaciju u Federaciji BiH o neposrednoj pripremi i provedbi male privatizacije i Odluke o izmjenama Odluke o neposrednoj pripremi i provedbi male privatizacije ("Službene novine FBiH", br.88/07) od 10.12.2007. godine kojom je produžen rok za pripremu i prijavu predmeta u maloj privatizaciji za tri godine od dana objave ove odluke. Prodaja u maloj privatizaciji definiše obavezu preduzeća da privatizira dijelove preduzeća ili imovinu preduzeća čija je pretežna djelatnost trgovina, ugostiteljstvo, usluge ili cestovni prevoz, odnosno dijelove ili imovinu preduzeća koji nisu uvjet obavljanja njihove osnovne djelatnosti ili se ne koriste.

Strategija Agencije za privatizaciju u Federaciji BiH za 2008. godinu je podržati implementaciju male privatizacije. Agencija planira staviti akcent na nastavak prodaje imovine, dionica i udjela preduzeća u postupku male privatizacije, svjesna situacije da preduzeća prodajom imovine ostvaruju efekte restrukturiranja preduzeća od viška radnika i dubioza, priliv novca, koji bi se iskoristio za izmirenje obaveza preduzeća prema dobavljačima, bankama, kao i za rješavanje radnopravnog statusa zaposlenika (doprinosi za PIO/MIO; zdravstveno osiguranje i dr.). Navedenim se stvaraju pretpostavke za uspješniju privatizaciju preduzeća iz naše nadležnosti.

Već postoji iskazan interes Krivaje, Elektroprivrede HZ HB, Željeznica Federacije BiH, Željezara Zenica, KTK Visoko, Sarajevo-osiguranje, Hepok dd Mostar i drugih za nastavak prodaje imovine neprivatiziranih preduzeća. S tim u vezi Agencija će inicirati i insisitirati i kod drugih preduzeća obuhvaćenih Planom za 2008 .godinu da identifikuju predmete prodaje.

## 7. PREDUZEĆA SA SPORNOM IMOVINOM/ KAPITALOM

Prioritet u planiranju aktivnosti je postizanje sporazuma i utvrđivanje vlasničke strukture preostalih preduzeća sa liste „spornih preduzeća“, te objava javnih poziva i prodaja državnog kapitala kod preduzeća kod kojih je riješena vlasnička struktura kapitala.

Za ostala preduzeća sa spornom imovinom/kapitalom, kao preduslov navedenog u prethodnom stavu, planirano je uključivanje resornih ministarstava u cilju definisanja, odnosno, pozicioniranja sporne imovine od čega će zavisi nastavak i dinamika aktivnosti Agencije. Navedene aktivnosti Agencija će voditi u skladu sa važećim zakonskim i podzakonskim propisima iz oblasti privatizacije i to:

- postizanje sporazuma između zainteresiranih strana,
- izdavanje zaključka kojim se nalaže poduzimanje radnji u skladu sa Pravilnikom,
- rješavanje po žalbama na zaključak,

- odabir revizora za utvrđivanje iznosa i strukture kapitala,
- saradnja sa preduzećima za koja je urađena revizija, a u cilju pripreme PP i PBS,
- odobravanje PP i PBS,
- eventualna objava javnog poziva.

## 8. PASIVNI PODBILANS

Aktivnosti koje se planiraju za 2008. godinu a vezane su za pasivni podbilans su slijedeće:

Poduzimanje aktivnosti u vezi stava Vlade Federacije Bosne i Hercegovine oko formiranja Direkcije za upravljanje pasivnim podbilansom preduzeća i banaka u skladu sa članom 35. Zakon o početnom bilansu stanja preduzeća i banaka („Službene novine Federacije BiH“, broj 12/98, 4/99 i 47/06). Formiranjem Direkcije ima za cilj da se sa jednog mjesta - centralizirano nesmetano upravlja državnom imovinom koja se vodi ili bi trebalo da se vodi u pasivnom podbilansu odobrenom od nadležne agencije na propisani način, jedinstveno i pod istim uvjetima za državnu imovinu u cjelini. Ukoliko bi se prihvatio ovaj koncept, Vlada Federacije BiH mogla bi ostvariti znatan prihoda iz pasivnog podbilansa.

Ukoliko Vlada Federacije BiH zauzme stav da ne želi formirati Direkciju za upravljanje pasivnim podbilansom preduzeća i banaka i ostane pri konceptu da ove poslove obavlja Agencija za privatizaciju u Federaciji Bosne i Hercegovine onda Vlada Federacije Bosne i Hercegovine mora hitno poduzeti radnje tj. pokrenuti izmjenu i dopunu Zakona o agenciji za privatizaciju i Zakona o početnom bilansu stanja preduzeća i banaka jer isti ograničavaju efikasniji rad.

U skladu sa gore navedenim aktivnostima, Agencija bi u svojoj sistematizaciji radnih mjesta povećala broj izvršitelja kako bi se navedeni poslovi brzo, efikasno obavljali. Nakon čega će kantonalne vlade, u skladu sa svojim nadležnostima, hitno pokrenuti postupak izmjena i dopuna kantonalnih zakona o agencijama za privatizaciju (10 agencija za privatizaciju).

Osnovne planske aktivnosti Agencija će iz svoje nadležnosti raditi na:

- zaštiti i uknjižbi imovine, prenos vlasništva na Federaciju BiH,
- sudjelovanje u izradi i donošenju provedbenog propisa kojim bi se regulirao način prenosa vlasništva – član 20. stav 2. Zakona o početnom bilansu stanja preduzeća i banaka („Službene novine Federacije BiH“, broj 12/98, 4/99 i 47/06),
- pokretanje aktivnosti prema nadležnim institucijama Federacije BiH (predsjedniku i dopredsjednicima Federacije BiH, Vladi Federacije BiH, Federalnom ministarstvu financija, Federalnom ministarstvu pravde i dr.) i Bosne i Hercegovine (Predsjedništvu BiH, Vijeću ministara BiH, Ministarstvu financija i trezora BiH, Ministarstvu pravde BiH i dr.) za njihovo aktivno uključanje i sudjelovanja provedbe Aneksa G Sporazuma o

pitanjima sukcesije bivše SFRJ, a sve u cilju pozitivnog ishoda sudskih sporova po tužbama i drugim aktivnostima koje je pokrenula ili će pokrenuti Agencija,

- imenovanje radnih tijela koja će vršiti istraživanja i evidentiranja neiskazanih predmeta iz pasivnog podbilansa,
- kontinuirano dopunjavanje i vođenje Centralnog registra za stvari, prava, obaveze i potraživanja iz pasivnog podbilansa u Federaciji BiH,
- angažiranje domaćih i inozemnih eksperata (advokata, stručnjaka iz oblasti međunarodnog privatnog prava, imovinskog prava i dr.),
- saradnja sa kantonalnim agencijama u provođenju aktivnosti na zaštiti stvari i prava iz pasivnog podbilansa za preduzeća iz kantonalne nadležnosti.

## **9. PODRŠKA PROCESU PRIVATIZACIJE**

I u 2008. godini težište rada na podršci procesu privatizacije bit će usmjereno na izvršavanju pravnih poslova, poslova vezanih za obrazovanje i informiranje, informatičkih poslova, poslova kontrole ugovorom preuzetih obaveza a koji predstavljaju kontinuitet iz prethodnih godina:

### **9.1. Pravni poslovi**

- Izrada pravilnika i drugih provedbenih akata, izmjena i dopuna, usklađivanje, ažuriranje i izrada prečišćenih tekstova pravilnika i drugih provedbenih propisa iz oblasti privatizacije koji su u nadležnosti Upravnog odbora Agencije za privatizaciju u Federaciji Bosne i Hercegovine;
- Poseban akcenat i prioritet posvetiti usaglašavanju postojećih provedbenih propisa sa Zakonom o izmjenama i dopunama Zakona o privatizaciji preduzeća, čiji prijedlog je Vlada FBiH usvojila i uputila u parlamentarnu proceduru donošenja i zakonima i drugim propisima koji su u toku ili se očekuje njihovo donošenje u narednoj godini (Zakon o kontroli privatizacije).
- Aktivno sudjelovanje u predlaganju izmjena propisa iz oblasti privatizacije kroz davanje primjedbi, prijedloga na zahtjev obrađivača zakona kao i amandmansko predlaganje određenih zakonskih rješenja;
- Aktivno učešće u radu Međuresorne komisije za izmjene i dopune zakona podzakonskih akata iz oblasti privatizacije kao i drugih propisa koji su suport privatizacijskom procesu u Federaciji Bosne i Hercegovine;
- Davanje pravnih tumačenja u primjeni podzakonskih akata koje je donio Upravni odbor Agencije za privatizaciju u Federaciji Bosne i Hercegovine, te pravnih mišljenja i objašnjenja pojedinih odredaba propisa čiji su donosioci parlamenti BiH i FBiH, a obrađivači resorna ministarstva;
- Pružanje stručne pomoći ostalim organizacionim jedinicama Agencije za privatizaciju u Federaciji Bosne i Hercegovine u oblasti primjene propisa;
- Ostvarivanje nadzora nad primjenom propisa iz oblasti privatizacije;
- Vođenje upravnih postupaka u prvom stepenu donošenja rješenja;

- Priprema, obrada i zastupanje (po punomoći) Agencije za privatizaciju u Federaciji Bosne i Hercegovine u sudskim sporovima;
- Dostavljanje informacija na zahtjev Premijera Vlade FBiH, Ombudsmana FBiH kao i odgovora na poslanička pitanja iz nadležnosti Agencije za privatizaciju u Federaciji Bosne i Hercegovine u oblasti privatizacije;
- Redovno kontrolisanje zakonitosti donijetih sudskih rješenja o ostavini čiji predmet ostavine čine potraživanja građana iskazana na JRG;
- Pružanju pravne pomoći u izradi nacрта ugovora o prodaji državnog kapitala, te drugih ugovora, sporazuma i protokola koje Agencija za privatizaciju u Federaciji Bosne i Hercegovine zaključuje u obavljanju osnovne djelatnosti;
- Izrada informacije – analize o praćenju i kontroli zakonitosti u privatizacijskom procesu Federaciji Bosne i Hercegovine.

## **9.2. Obrazovanje i informiranje**

Kreiranje sadržaja i priprema za štampu informativno-promotivnog materijala bit će okosnica rada u narednoj godini:

Plan privatizacije i rada Agencije za privatizaciju u Federaciji Bosne i Hercegovine za 2008. godinu potrebno je pripremiti tako da bude dio promotivnog materijala za sve zainteresirane za proces privatizacija ali i internu upotrebu zaposlenih. Planski dokument bit će preveden i na engleski jezik i tako biti dio informativno-promotivnog kompleta APF;

Izbor osnovnih informacija o Agenciji za privatizaciju (metod privatizacije, rezultati kao i lična karta APF-a bit će sadržani i izrađeni u trodijelnom letku koji će se pripremiti i na engleskom jeziku.

Izrada brošure koja će, pored osnovnih informacija o procesu privatizacije u FBiH, sadržavati i profile značajnih firmi čija se privatizacija očekuje u 2008. godini. Brošura će se u osnovi oslanjati na plan privatizacije u 2008. godini i biti štampana i na engleskom jeziku;

Nakon usvajanja izvještaja o radu za 2007. godinu, pristupit će se izradi brošure „Privatizacije u Federaciji BiH 1999-2007. godina“. Ova brošura predstavljala je prošlih godina ne samo arhivski dokument o procesu privatizacije i aktivnostima APF-a nego i dokument koji je dio izvještaja za Vladu FBiH i Parlament FBiH. Za razliku od prošlih godina, planira se napraviti izvod koji će biti na engleskom jeziku i zajedno sa bh. verzijom štampati;

Zbirka zakona iz oblasti privatizacije koja je urađena u CD verziji i podignuta na web stranicu APF-a, bit će dopunjena propisima koji su usvojeni u 2007. godini.

Odnosi sa javnošću:

Nastavit će se koordinacija i pomoć predstavnicima javnog informiranja u kontaktima sa sektorima i rukovodstvom APF-a i odgovorima na pitanja. Nastavit će se animiranje i edukacija novinara prema međusobnim potrebama.

Putem saopćenja za javnost, obavijesti, kao i plaćenih oglasa i informacija nastavit će se informiranje javnosti o procesu privatizacije kao i plasiranje bitnih informacija za APF.

Press kliping nastaviti će se i u ovom planskom periodu uz nastojanje da se učine pomaci na obimu i kvalitetu praćenja dnevne, sedmične štampe kao i elektronskih medija. Osnovne informacije bit će sadržane u medijskom izvještaju koji se radi jednom mjesečno.

Interno informiranje:

Potrebno je, u narednom periodu inicirati načine unapređenja internog informiranja te će se predložiti načini razmjene informacija ali i drugih oblika međusobnog komuniciranja unutar APF-a. Nastavit će se provedba edukativnih aktivnosti prema interesu zaposlenih i potrebama APF-a.

Obrada i unos podataka na web stranicu: Ova aktivnost podrazumijeva stalnu promjenu i inoviranje podataka na čemu će se raditi kontinuirano i u saradnji sa drugim odjelima.

Seminari/ Okrugli sto: U saradnji sa sektorima APF-a Sektor za podršku - Odsjek za informiranje će koordinirati, organizirati ovakve skupove te za njih osigurati ili pripremiti potrebne materijale. Kada su zaposleni u APF-u gosti na skupovima, izvršit će se adekvatna priprema kako u prezentiranju materijala tako i pripremi učesnika.

Nastavit će se saradnja sa drugim institucijama i organizacijama koje su zainteresirane za proces privatizacije kao i razmjena informacija i promotivnih materijala.

Edukacija zaposlenih (seminari, kongresi i sl.) ostaju kao stalna aktivnost Odsjeka za obrazovanje i informisanje u okviru Sektora za podršku.

### **9.3. Informatika**

- Obezbjedenje računarske komunikacije sa šalterima za obradu privatizacijskih transakcija u poštama;
  - Održavanje računarskih stanica, instalacija aplikativnih modula i podrška operaterima koji rade na šalterima za obradu privatizacijskih transakcija u poštama;
  - Interventno održavanje hardvera i softvera;
  - Administriranje bazama podataka;
  - Internet konekcija;
  - Obrade i učitavanja (priprema i obrada Z1 obrazaca, priprema podataka dospjelih iz FMUP-a, FZ PIO/MIO, FMO, provjera podataka dospjelih iz institucija sa Direkcijom za privatizaciju i učitavanje tih podataka u sistem Registra potraživanja, obrada rješenja o nasljeđivanju kao i dostavljanje Federalnom ministarstvu finansija podataka o staroj deviznoj štednji koja je bila predmet ostavine);
  - Održavanje lokalne računarske mreže u Agenciji i podrška korisnicima;
  - Redovna pohrana podataka;
  - Ažuriranje informacija na web-u apf.gov.ba;
  - Prijedlog za nabavku nove opreme.

#### 9.4. Kontrola ugovora

Kao vrlo važan segment podrške procesu privatizacije, u 2008. godini planira se kontrola ugovornih obaveza za slijedeće predmete:

<i>R.B.</i>	<i>Predmeti kontrole</i>	<i>Vrijeme kontrole</i>
<b>1.</b>	<b>Preduzeća</b>	
1.1.	UPI Holding, Sarajevo	januar 2008. godine
1.2.	Konfekcija Borac, Travnik (Borac Zenica i Borac Banovići)	april i oktobar 2008. godine
1.3.	Interšped, Sarajevo	februar i oktobar 2008. godine
1.4.	BNT Tvornica mašina Travnik	januar 2008. godine
1.5.	Borac Uskoplje/Gornji Vakuf	januar 2008. godine
1.6.	Borac Katarina, Jajce	januar i juni 2008. godine
1.7.	Feroelektro, Sarajevo	mart 2008. godine
1.8.	Tvornica dalekovodnih stubova, Sarajevo	april i novembar 2008. godine
1.9.	Žica, Sarajevo	februar i novembar 2008. godine
1.10.	Cartonprint, Stolac	februar i decembar 2008. godine
<b>2.</b>	<b>Imovina preduzeća</b>	
2.1.	KTK Visoko (ug. br.05-19-4486/04)	mart 2008. godine
2.2.	TKA Cazin (ug.br.05-19-1442/05)	mart 2008. godine
2.3.	Željezare „Zenica“ (ug.br.05-19-2935/05)	april 2008. godine
2.4.	IP Krivaja Zavidovići (ug. br.05-19-2887/05)	januar 2008. godine
2.5.	IP Krivaja Zavidovići (ug. br.05-19-3206/05)	mart i decembar 2008. godine
2.6.	IP Krivaja Zavidovići (ug. br.05-19-3750/05)	mart 2008. godine
2.7.	IP Krivaja Zavidovići (ug. br. 05-19-3743/05)	februar 2008. godine
2.8.	KTK Visoko, Sarajevo (ug.br.05-19-5037/05)	april 2008. godine
2.9.	TKA Cazin (ug. br. 05-19-1-7/07)	februar i oktobar 2008. godine
2.10.	IP Krivaja (ug. br. 05-19-3898-4/06)	mart i decembar 2008. godine
2.11.	IP Krivaja (ug. br. 05-19-3745-10/06)	april i oktobar 2008. godine
2.12.	Energoinvest (ug. br. 03-19-1248/07)	mart i novembar 2008. godine
2.13.	Željezara Zenica (ug. br. 05-19-2493-12/07)	januar, april i oktobar 2008. godine

Pored navedenih rokova moguće su dodatne (vanredne) kontrole ugovornih obaveza kao eventualne aktivnosti na ugovorima sa posebnim statusom u zavisnosti od postupanja državnih organa (Odluke Vlade FBiH, sudski postupci itd.): Večernje novine Sarajevo, Energoinvest – Comet Sarajevo i UNIS Holding Sarajevo. Također planira se:

- Vršenje kontrola za ugovore shodno Zaključku Vlade FBiH u predmetu Energopetrol Sarajevo i Mittal Steel Zenica.
- Kontrola ugovora koji će se zaključiti u 2008. godini;
- Saradnja sa kantonalnim agencijama za privatizaciju u oblasti kontrole izvršenja obaveza iz kupoprodajnih ugovora;
- Aktivnosti na ažuriranju zajedničkog registra zaključenih ugovora, raskinutih ugovora, izvršenja ugovorenih obaveza i pokrenutih sudskih postupaka zbog neizvršenja istih;
- Pokretanje postupaka za raskid ugovora (u zavisnosti od stepena izvršenja), a nakon svih pokušaja i napora da se ugovor održi na snazi, a i kontakta sa resornim ministarstvom, sindikatom i drugim nadležnim organima.

## **10. ZAJEDNIČKI POSLOVI**

- Praćenje primjene zakona i drugih propisa i općih akata iz oblasti privatizacije, sa posebnom pažnjom na izmjene i dopune Zakona o agenciji za privatizaciju, Zakona o kontroli ugovora i Zakona o početnom bilansu stanja preduzeća i banaka, a sa ciljem:

- usklađivanja normativnih i drugih pravnih i administrativnih akata Agencije sa zakonskim propisima;

- učešća u pripremi općih i pojedinačnih akata vezanih za unutrašnju organizaciju APF i sistematizaciju poslova i radnih zadataka.

- Usklađivanje unutrašnje organizacije APF sa zakonskim propisima i Odlukama i zaključcima Vlade FBiH, sa posebnom pažnjom na izmjene Statuta i Pravilnika o unutrašnjoj organizaciji i sistematizaciji poslova

- Aktivnosti na unapređivanju organizacije rada i racionalizacije poslova kroz:

- predlaganje optimalnijih rješenja za izvršavanje povjerenih zadataka, posebno u segmentu koji se odnosi na grupe poslova;

- analizu iskorištenosti zaposlenika i radnog vremena

- preraspodjelu poslova i radnih zadataka;

- kadrovsko osposobljavanje, daljnja konsolidacija i prijem novih uposlenika;

- angažovanje spoljnih saradnika;

- Plan prijema volontera-pripravnika.

- Vođenje stručno-operativnih poslova finansijskog, materijalnog i knjigovodstva stalnih sredstava:

- poslovi planiranja i izvještavanja kroz pripremu periodičnih i godišnjeg obračuna;

- poslovi nabavke roba, vršenja usluga i ustupanja radova i blagajnički poslovi;

- poslovi godišnjeg popisa sredstava, obračuna plaća i drugih naknada zaposlenika i članova Upravnog i Nadzornog odbora;

- Priprema sjednica i materijala za Upravni i Nadzorni odbor:
  - izrada zapisnika i priprema prijedloga odluka i zaključaka;
  - korespondencija sa organima zakonodavne i izvršne vlasti FBiH
- Aktivnosti na obrazovanju i stručnom usavršavanju zaposlenika kroz planiranje raznih oblika i vidova edukacije (seminari, savjetovanja, kursevi, tematski okrugli stolovi, specijalizacije i doškolovanje).
- Aktivnosti vezane za planirano preseljenje APF, vođenje administrativno-tehničkih i drugih pomoćnih poslova iz nadležnosti Agencije, sa posebnom pažnjom na sređivanju arhivske građe u saradnji sa organizacionim jedinicama.